

四庫全書

子部

欽定四庫全書

子部

證治準繩卷八十三

詳校官太醫院恩繹

臣袁天錫

編修臣倉聖脈覆勘

總校官進士

臣

朱

鈐

校對官助教

臣

羅萬選

謄錄監生

臣

姚培雯

欽定四庫全書

證治準繩卷八十三

明 王肯堂 撰

幼科

心臟門

見形證治

痘瘡之期始於見點從見點而數之期止七日七日之內如花之始蕾而發也其氣日盛以出七日之後氣斂

而花謝矣故服藥者當於七日之內日夜連服毋或姑
息苦之以七日所以全之於百年人不知此而惟務姑
息七日之外服無益矣余嘗謂痘毒之在血氣譬若糠
粃之在米也惟血氣充足運轉迅急若篩米然運轉不
停則糠粃不混於米而騰起浮聚自作一團血氣充足
周流則毒不滯於榮衛之中而自然收斂以成瘡故痘
瘡及時貫膿未嘗爛肌捐肉只是將皮肉紅色毒氣收
貯窠囊而已其有日久纔發臭爛者此皆變證而非本

然如此也今舉世以食物發痘而不知其本無益也惟服補氣血藥以助其運行推出之勢可也

發熱三日之後熱退身涼大小不等作三次出淡紅色如水珠光澤者不須服藥 凡痘子出現疎則毒輕不可妄治密則毒甚却要磊落大小分明不相粘連略與托裏解毒之劑快斑湯消毒飲主之使之易發易靨如出太密粘連模糊其毒尤甚托裏解毒之劑宜多飲之以防癢塌黑陷之變更察外症可治則治不可則勿治

凡瘡子出形皮肉如常根苗明潤此毒輕也不可妄
治如皮肉昏黑或赤腫根苗乾枯青紫或灰白者此毒
甚也以消毒飲奪命丹合服

快斑湯

人參

五分當歸

防風

木通

各一分

甘草

三分木香

紫草

蟬蛻

各二分

右判細水一盞煎七分去渣溫服不拘時

消毒飲

牛蒡子 連翹 甘草 綠升麻 山豆根

紫草

各等分

右剉細水一盞煎七分去渣溫服不拘時

奪命丹

麻黃 升麻

各半兩

山豆根

紅花子

大力子

連翹

各二錢半 蟬蛻

紫草

各一錢半

人中黃

三錢

右研細末酒蜜和丸辰砂為衣薄荷葉煎湯下

凡痘子之出最要唇紅舌潤紅鮮如常其毒則輕如唇

焦破裂舌燥有芒為毒火太甚表裏鬱遏急宜解之黃連解毒湯加大力子 黃連解毒 煩躁

發熱一二日便出如纔發一二日間痘便一齊湧出者須間其曾數日前有熱否如曾數日前乍熱乍涼以過期論惟原未發熱至今纔熱便斑現此表氣虛毒氣盛榮熱衛弱腠理不密肌肉不堅不能約束於外使毒氣衝擊故出太驟也宜用實表之劑可以無瘡塌無潰爛實表解毒湯主之 一方用羌活散調紫草膏或保嬰

丹加紫草牛蒡子蟬蛻與服熱盛不退以羌活散調退
火丹進之另用燈草木通蟬退地骨皮煎湯候冷服此
用發表之劑與表虛衛弱之說背馳盖亦有初發熱時
見表證失於解散實熱壅遏而怒發者此法猶可施也
然得全者鮮矣

實表解毒湯

黃耆 人參 當歸稍 生地黃 白芍藥

地骨皮 甘草 酒片苓 柴胡 玄參 升麻

右剉細加薄荷葉少許淡竹葉十片水煎溫服無時
消毒快癰湯

桔梗 甘草節 荊芥穗 牛蒡子 防風

當歸尾 玄參 赤芍藥 天花粉 黃芪

連翹 前胡 木通 水煎服

清地退火湯 治痘帶熱而出名為火裏苗急用此方
以退其熱則後無青黑變陷之候

地骨皮 地膚子 牛蒡子 紫草

錢各一

葛根

各八分

連翹

六分

當歸

五十分

木通

三十分

蟬退

二分

右加薑一片水煎服如熱不退再服一劑或為末燈

心湯服

羌活散

本門初熱

保嬰丹

本門預防

退火丹

即六一散

黃連豆藤見初

熱

發熱四五六日始出如發熱四日至五六日後始出者
須審視曾有外感內傷否蓋傷風寒傷食之熱久而不
去則所蘊瘡痘之毒亦能乘間不出不可以過期論惟

無內傷外感之因一向熱而不出此裏氣虛不能驅逐其毒使之即出而毒邪得以留連停伏於臟腑腸胃之間宜先用托裏之劑令其快出次以和中之劑多服之可以無伏無陷無倒靨托裏宜托裏快癰湯或十宣散和中宜四君子湯加黃耆或保元湯合勻氣散主之托裏快癰湯

當歸 黃耆 川芎 木香 青皮 牛蒡子

紫草 連翹 木通 防風 桂枝 蟬蛻

右判細加淡竹葉十片水煎溫服無時

十宣散

一名十奇散一名托裏十補散

黃芪

人參

當歸

各二錢

厚朴

羌

桔梗

各一錢

桂心

三分川芎

防風

甘草

白芷

各一錢

右為細末每服一錢或二錢木香湯調下

增損八物湯

人參

黃芪

白朮

甘草

當歸

川芎

牛蒡子

炒

葛根

赤芍藥

防風

荆芥穗

連翹 桔梗

右用水煎服

勻氣散

木香 青皮

各五錢

山查肉

二錢半

右為細末每服一錢甘草湯調下

應出不出痘疹之出自有常期如過期應出不出有數證不同不可不辨如內素實之人皮厚肉密毒氣難於發越一旦恃其體厚不怯風寒又為外邪所觸或體素

弱者風寒易感以致腠理閉密氣血凝滯故應出不出

也其證頭痛四肢拘急偎倚蓋覆常惡風寒此類宜發

之氣強者用雙解散氣弱者用參蘓飲或惺惺散

俱初熱

或內虛者脾弱食少宜用補脾之劑加行氣發表藥四

君子湯

不能食

調元湯

即參蘇飲見大法

並加木香青皮黃芪桂

枝或臟腑自利宜用溫裡之劑黃芪建中湯

腹痛

益黃

散

脾

並與奪命丹合進利未止者豆蔻丸

泄利

合進蓋

裏溫則氣不消削氣不消削則不陷伏矣若依上法分

治猶不出者此毒壅伏於三焦不久而變生焉

加減參蘇飲

人參 紫蘇葉 葛根 陳皮 前胡 白芷

桔梗 枳殼 甘草 羌活 防風

右用竹葉為引熱服

加減調中湯

人參 白朮 黃耆 甘草 炙木香 桂枝

白茯苓 藿香 陳皮 白芍藥 酒炒

右用生薑為引煎服

聞人氏槐云是痘疹證熱數日而不發見者進退皆難
便欲大發之懼其本稀而成痲爛不發之又無以出其
毒氣古人立論始以藥微發之微發不出則加藥加藥
不出則大發之大發之後所出不多氣候和平無他症
者即是瘡本稀不可更發也以此言之發不至太過守
不至不及乃用藥之圓活也愚按古方用發表者升麻
葛根湯輕劑也惺惺散重劑也謂微發謂加藥者或先

用輕劑後用重劑或只用本劑先小作湯少飲之後漸加大多飲之非謂於本方之外再加辛熱大發之藥也凡痘疹過期應出不出者或因外感風寒依上發表之法或因內虛泄瀉依上和中之法如按法調治猶不出快熱反甚大渴腹脹滿大便鞭結不通煩躁不安者此毒邪壅伏於內三黃丸七味升麻丸初熱擇而用之甚則三乙承氣湯主之秘大便聞人氏云且身熱脈數大便秘而腹脹此熱毒壅遏未見形狀者當微下之非微下

則熱不減此是始者熱在裡癰未出之時也若癰點隱
隱在皮膚中者是已發越在表瘡正發時則不可妄下
也又有結膿窠痂疔之際脈尚洪數能食而大小便秘
此表已罷裡有熱毒宜微利之大抵臟腑有熱往往利
大小便者以其主出而不內故也

張氏從道云瘡痘氣勻即出快蓋氣勻則榮衛無滯勻
氣之藥如桂枝防風荊芥穗薄荷所以行在表之氣而
使之無滯也故凡發表之劑多用之木香青皮枳殼木

通所以行在裏之氣而使之無滯也故凡和中之劑多用之又瘡出之時常宜和煖如三春發生之氣則氣血和暢自然其出快其發透其靨齊若偏於太熱則壯火食氣其氣反虛而不能行偏於太寒則氣凝澀而不得行矣

痘瘡之證其初不免於發熱者未出毒邪在裏煎熬氣血薰蒸臟腑而然瘡既現形則毒洩而熱解所以瘡出熱退者瘡本必疎若瘡已出熱不少減此毒蘊於中其

勢方張其瘡必密宜急解其毒連翹升麻湯加防風荆

芥穗地骨皮或解毒防風湯大法加升麻或東垣黍粘

子湯本條兼服代天宣化丸預防服藥之後瘡或不出

或再出其熱頓減者為氣和也熱若不減瘡漸加多再

消詳大小便何如大便不通七物升麻丸初熱小便不

利連翹湯小便不利大小便俱不通八正散小便不利自利者黃

芩湯自利加白頭翁酒黃連調赤石脂末裡氣和毒解

矣如更加渴煩躁不已或譫妄或腹脹滿氣促或自利

不止手足厥冷此逆證勿治

出太密潔一發便密如鍼頭形勢重者合輕其表而涼
其內連翹升麻湯主之然稠密之處各有經絡部分所
屬額主心面主胃腹與四肢主脾脇主肝兩腋主肺下
部主腎肩背主膀胱當隨見證治之若面色黃大便黑
煩躁喘渴或腹脹者瘀血在內也用犀角地黄湯或抱
龍丸生犀角汁但根窠分明肥滿者無妨 薛前證若
屬心經用導赤散之類胃經用犀角散之類肝經用柴

胡湯之類大凡稠密者熱毒熾盛也若密而不痛用東垣消毒散若密而作痛用仙方活命飲若密而小便不通用八正散若密而大便不通用承氣湯若密而惡寒發熱用麻黃甘草湯

連翹升麻湯

潔古連翹升麻湯即升麻葛根湯加連翹一分是也此又葛氏所增定

連翹

錢一升

葛根

桔梗

甘草

各七分

牛蒡子

錢一木通八分

白芍藥

五薄荷葉許

右剉細加淡竹葉燈心水一盞半煎一盞去渣溫服

無時

東垣鼠粘子湯

治癰疹已出稠密身表熱急與此藥

防後青乾黑陷

鼠粘子

炒二錢

當歸

酒浸

甘草

炙

柴胡

連翹

黃芩

黃芪

各一錢

地骨皮

二錢

右咬咀每服三錢水煎去渣溫服空心服藥畢且勿

與乳食

犀角消毒散

治癰疹丹毒發熱痛癢及瘡疹等證

牛蒡子 甘草 荊芥 防風 各五分 犀角 鎊二分

金銀花 三分

右水煎熟入犀角傾出服

東垣消毒散

即消毒救苦湯見大法

仙方活命飲 餘毒

發表痘出太盛煩喘甚者麻黃黃芩湯 痘出太盛煩

喘咽痛而嗽者麻黃湯入麝香尤妙

麻黃甘草湯 治表實痘毒燔盛稠密

麻黃 生甘草

右水煎服

攻裏潔古云癰已發密重微喘飲水者有熱也用去風藥微下之 滄洲翁云瘡已發稠密微喘渴欲飲水宜微下之當歸丸及龐氏地黃膏外以黃檗膏塗面佳痘出太盛喘促腹滿小便赤手足心并腋下有汗或狂言妄語大便不通宜四順飲小承氣湯下後諸證悉退不可再下 表裏田氏調肝散 治瘡疹太盛宜服令瘡不入眼

生犀

二錢半

龍胆草

麻黃

去節

鈞藤鈎

各一錢

黃芪

桑白皮

炒黃

石膏

各半兩

大黃

栝蒌仁

去皮

甘草

炒各二錢

右為麗末每服三錢水煎食後溫服微利効

涼血海藏云出太多者犀角地黃湯地骨皮鼠粘子湯

即地骨皮散加鼠粘子

龐氏地黃膏

生地黃

四兩

豆豉

半升

雄黃

一錢

麝射

半錢

右以豬膏一觔和勻露一宿煎五六沸令三分去一

紋去下雄黃射香攪均稍稍飲之毒從皮膚中出即

愈

丹又解瘡毒藥

絲瓜

升麻

芍藥

酒炒

甘草

生

山查

黑豆

赤小豆 犀角

右咬咀水煎服

或云一見皮肉累累紅點稠密急用纏豆藤燒灰加製砂連進三四服或薄荷湯調退火丹進之仍以牛蒡子為末傅顙門上以散熱毒非惟能使痘疎且免侵眼之

患 用纏豆藤燒灰為末加入退火丹內又用燈草木
通蟬蛻地骨皮煎水調退火丹連進二三服則痘之稠
密不分者遂分明矣後再用乾葡萄五十箇茜草根一
兩荔枝連肉殼核五個芫荽子五錢無子莖葉亦可用
好酒二碗煎一碗徐徐以熱水攪薄常與服之服盡滓
再用水煎准茶常與之服則痘之稠者以退不作害未
退者遂令如水珠起壯灌濃結靨矣

凡痘子初出磊磊落落似稀疏之狀其後旋加日多一

日此毒伏於裏裏氣虛弱不能托之即出要大補兼解毒或十可救其一二也十宣散加無價散主之

十宣散

見前

無價散

倒靨

王汝言曰痘瘡多者是毒氣多便先宜解毒然多則恐氣血周貫不足故隨亦宜兼補藥以助成膿血痘毒自內出外一二三日方出齊毒氣尚在內出至六日則當盡發於表七八九日成膿而結痂矣若毒氣盛不能盡出過六日毒反內入臟腑故須於六日以前毒氣該出

之時急服涼血解毒之藥以驅出之六日之後醫無及矣

出不快錢瘡疹三日不出或出不快即微發之

鼠粘子湯之類

如瘡發後不多出即加藥

如一日一貼即加至二貼

如藥不出即大

發之

升麻葛根防風羌活獨活麻黃桂枝之類

如發後不多及脈平無證即

瘡本稀不可更發也有大熱者當利小便

四聖散六一散四苓之類

小熱者當解毒若不快勿發勿下攻止用抱龍丸治之

婁錢氏消毒散化毒湯活人鼠粘子湯皆發瘡痘溫

平溫涼藥錢氏所謂微發之者是也如微發不出者即就與前項藥該每服二錢者即加至三四錢該每日二服者即加至三四服如加藥又不出者即用升麻葛根麻黃桂枝大發之如大發不多及脈平無事者即瘡稀不可更發如脈洪有熱有大熱者當用四聖導赤八正輩利小便有小熱者當用苓連及金花丸輩解毒若利小便解毒後又不快則勿發勿下止用抱龍丸治之此錢氏心法也 潔若出不快清便自調知其表不在

裡當微發升麻葛根湯 若青乾黑陷身不大熱大小便
澀則是熱在內煎大黃湯下宣風散 若身表大熱者

表證未罷不可下 若癰已出見小熱小便不利當以

八正散利之 海太陽出不快身之後也 荊芥甘草防風

湯 陽明出不快身之前也 升麻加紫草湯聖惠方升麻葛根加紫草

少陽出不快身之側也 連翹防風湯即連翹散 四肢出不

快 防風芍藥甘草湯

呂凡痘瘡出不快者有五證臨病審而調之 一證天

時嚴寒為寒所折不能起發宜散寒溫表冬三月寒甚

紅癰初見宜五積散正氣散參蘇飲楊氏調解散俱初熱

陳氏木香散泄利一證炎暑隆盛煩渴昏迷瘡出不快

宜辰砂五苓散煎生地黃麥門冬湯調服身熱者小柴

胡加生地黃熱甚煩渴而便實者白虎加人參湯輕者

人參竹葉湯加生地黃俱傷寒煎服一證服涼藥損傷

脾胃或胃虛吐利當溫中益氣宜理中湯泄利吐利甚者

加附子或陳氏異功散出不快木香豆蔻丸泄利一證或

成血疱一半尚是紅點此毒氣發越不透必不能食大便如常者宜半溫裏半助養之劑用四聖散加減及紫草木香湯絲瓜湯阮氏萬全散湯氏安斑湯 一證外實之人皮膚厚肉腠密毒氣難以發泄因出不快宜消毒飲透肌散如大便秘實於消毒飲內加大黃梔子仁煎服瘡出太稠宜犀角地黄湯張氏解毒防風湯血氣不足宜十奇散咽嗑不利宜如聖湯加荷薄枳殼口中氣熱咽痛口舌生瘡宜甘露飲子驚風搐搦宜抱龍丸

煩渴宜獨參湯黃芪六一湯

張瘡已出而不遍勻者聞人氏云惟透肌解毒無壅塞之患則自然出勻以必勝散大紫草飲胡荽酒之類主之痘出不長隱於肌膚者人參透肌散主之出不快有數證不同內虛熱極而不發者朱汝明用四君子加黃耆紫草發之有內虛甚而生寒大便利而出不快者宜理中薑附輩以溫之則氣不消剝自不伏陷有內實而兼諸熱證出不快者用四聖散加味四聖散紫草

飲子紫草木香湯紫草木通湯快癰散絲瓜湯俱可選
用或氣實痰鬱而發不出者蒼朮白芷防風升麻黃芩
芍藥連翹當歸孰為主痰鬱之藥乎等分煎服兼化抱龍丸若毒

根在裏或血氣虛弱或邪穢衝觸內陷而出不快者托

裡散 彭氏云疹痘發未透宜四君子湯加黃芪紫草

糯米煎凡醫百病不可損胃氣故用四君子及糯米等

助其胃氣 服此藥後若患者身全不熱又以兔絲子

醋製為末方在後大人一錢小兒七分或三分托之則痘

疎疎出矣此藥大補助火不可多多則托出太多矣

隱於肌肉不起宜紫草飲子煎服又不可過用候三日
齊後以保元湯加好酒人乳一二服最穩 紫草二兩
細判以百沸一大盞沃之以器合定勿令洩氣量大小
溫溫服

微發消毒散 治瘡未出或已出未能均遍又治一切
瘡涼膈去痰治咽喉痛

牛蒡子

炒三兩

甘草

炙半兩

荊芥穗

二錢半

右為粗末每服三錢水一盞半煎七分去渣溫服

海藏

云此藥皆溫平之劑
一去加防風薄荷

鼠粘子湯 治小兒痘瘡欲出未能得透皮膚熱氣攻
咽喉眼赤心煩

鼠粘子

炒四兩

荊芥穗

甘草

各一兩

防風

半兩

右為細末沸湯點服臨卧大利咽喉化痰涎止嗽皆

宜

海藏云太陽少陽之
劑首論溫平者也

又法 用牛蒡子炒熟為末同荊芥煎服

右三方消毒飲加減法也

化毒湯 治小兒痘瘡已出未出並宜服之

紫草茸 升麻 甘草

炙各等分

右以咀水二鍾粳米五十粒同煎此陽明之藥也

海藏

云出不快者化毒湯本
事方用糯米去粳米

丹亞王痘出兩日不甚透食稍進汗微出熱略減但食物口中覺有惡味此出得遲發未透須微微表之

升麻 甘草 紫草 白朮 陳皮 芍藥

炒半錢

作一貼加少酒同煎白芍須炒見其大便雖出不多却白帶澹滑

紫草 白芍藥 升麻 秫米粉

炒各半兩

右三方皆化毒湯加減法也

大發頭面出不快此太陽經也當用荊芥甘草羌活防風天麻共煎 胸脇出不快此少陽經也當用柴胡黃芩紫草木通紫蘇共煎 四肢出不快此陽明經也當用升麻葛根紫蘇芍藥甘草連鬚葱白共煎 遍身都

出不快當用九味羌活湯 以上四證藥味內各加薑
葱為佐連進二服瘡出快矣

九味羌活湯

羌活 防風 蒼朮 細辛 少 白芷 黃芩

川芎 甘草 生地黃

宜以芍藥易之

右水煎量大小輕重加減

散寒五積散 正氣散 調解散 三方俱 見初熱 清暑辰砂五

苓散

五苓散加辰砂研末是也

人參竹葉湯 治夏月吐逆煩躁口渴心悶不寧及疹後餘熱不退小便赤或赤斑者

人參 半夏 麥門冬 當歸 淡竹葉

各等分

右剉散每服三錢水一盞生薑一片煎服

白虎湯

石膏

四兩

甘草節

八錢 知母

一兩六錢

右為粗末每服三錢水一盞粳米二十粒同煎至半盞去渣溫服不拘時加入人參一兩二錢名人參白

虎湯聖惠加乾葛

小柴胡湯

發熱

攻裡汪機云有紅癰點出日數未盡其內實而肌熱者
宜疎利之 紫草例海藏云小兒瘡疹出未快可濃煎
紫草汁服 按紫草通腠理利九竅涼血活血故為痘
家欲出未出必用之藥若出已透而大便利者忌之

紫草散 發癰疹

釣藤鈎子

紫草茸

各等分

右為細末每服一字或五分一錢溫酒調下無時

四聖散 治瘡疹出不快及倒靨一方有黃耆

紫草茸 木通 甘草 炙枳殼 炒

右等分為粗末每服一錢水一鍾煎至八分溫服無

時 劉提點云疹痘最要大小分曉錢氏四聖散用木通枳殼極好若大小流利不必泥

紫草迴癰散 小兒痘疹出不快或倒靨毒氣入腹

紫草茸 黃耆 桑白皮 木通 枳殼

白朮 各等分

右為粗末每服三錢水酒各半盞射香少許同煎服
紫草木通散 治小兒瘡疹

紫草 木通 人參 茯苓 粳米 各等分 甘草 減半

右為末每服四錢水煎此小便不利之劑也

人參蟬蛻散 治小便不利痘疹不散煩躁多渴戛牙
咬齒氣粗喘滿

人參 蟬蛻 白芍藥 木通 赤茯苓

甘草 紫草茸 各等分

右用水煎服

透肌散

紫草茸

綠升麻

粉甘草

各一錢

右細切水煎服或與消毒飲同煎服尤妙

紫草透肌湯

治痘熱而出不快及頂陷者

紫草

一錢甘草

三分升麻

木香

各五分

牛蒡子

防風

荊芥

黃芪

各八分

右薑水煎服

如色紫腹痛加蟬退一錢

紫草快癍湯 治痘疹血氣不足不能發出色不紅活

等證

即紫草湯

紫草 人參 白朮 茯苓 當歸 川芎

芍藥 木通 甘草 糯米

右每服二錢水煎

烏金膏 治發熱至七日已前或因風寒痘不起發或

紅紫或驚搐俱可用

殭蚕

酒洗全蝎 去足尾

甘草 紫草 白附子

味苦 內白

者麻黃各五錢

穿山甲

炒末二錢半

蟬退

去頭足酒洗淨二錢

右為末將紅花紫草各一兩好酒二鍾熬去大半去渣入蜜五兩慢火同熬滴水成珠為度丸如龍眼核大每服一丸燈心湯化下

紫金散 治痘瘡出不快及倒靨亦治遠年不愈惡瘡

紫草

蛇退

炒焦

牛蒡子

炒各五錢

右為細每服一錢水半鍾煎減半溫服

獨勝散

初熱

蘿蔔湯 治痘疹出不快者

右用開花蘿蔔煎汁時時飲之蓋痘疹氣勻即出快
蘿蔔治嗽定喘下氣消脹解毒

野通散 治痘瘡出不快及傷寒不語

乾野人糞

即獼猴糞
火燒存性

冰片

真麝香

各等分

右為細末每服五分看大小用新汲水入蜜調下十
歲以上者服一錢 按野人糞治蜘蛛咬瘡此治痘
出不快大效若蜘蛛咬瘡久而不愈其絲生皮膚延

蔓遍身不愈者加雄黃青黛水調以蜘蛛試之立化
為水屢驗蓋此三味是治瘡疹當用之藥取山中者
若人家所養之猴食物味雜即不効矣其本真也
補虛例丹勉奴痘已出第三日色淡不肯發此血氣俱
虛與此方

人參 訶子 煨各一錢 白朮 炒 黃耆 酒炙 當歸 酒洗各二錢

陳皮 二分 甘草 炙少許 荳蔻 煨一錢半

右煎入好酒些少飲之

六一湯

見灌漿

秘傳大透肌散

人參 芍藥 川芎 甘草 茯苓 白朮

木通 陳皮 黃芪 糯米

右各等分為粗散每服四錢水煎服

活活血散治瘡子或出不快用白芍藥末酒調如欲止

痛只用溫熱水調嚥下

海藏云張和之治四肢出不快如防風大効此症乃太陰

藥也

世四物湯治痘瘡出不快不甚紅活不起根窠緣血虛故也此藥能活血調順痘疾無如此方自古及今用之如寶只加甘草服之

通天散 治痘發熱不出或已出而色不紅活

人參 陳皮 桂枝 各八分 川芎 熟地黃

芍藥 各一錢 當歸 紫草 各一錢半 紅花 木香 各三分

甘草 六分 知母 八分 荔枝殼 十個

右用雞汁一鍾棗三枚糯米一撮煎服初服到頸再

服到臍三服到脚神効

人參透肌散 治痘瘡虛而有熱雖能出快長不齊整

隱於肌膚間者

人參

紫草

如無以紅花代之

白朮

茯苓

當歸

芍藥

木通

蟬蛻

甘草

糯米

各等分

右每服三錢水一盞半煎半盞徐徐服之

升均湯 治痘瘡已出不均或吐瀉熱渴

升麻

乾葛

芍藥

人參

白朮

茯苓

甘草 紫草茸

如無紅
花代之

右每服三五錢薑水煎量服之

秘方 兔絲子一味醋浸一宿焙乾為末發熱時每一
歲兒服七分量兒大小加減好酒調服甚易發易服
易靨且後無餘證 此方氣血弱者未出之先可用
既出之後不可用則托出太多 此方係胡黃谷
祖仰出公宦遊廣東得之用者百發百中但元氣厚
者服之不免太密乃大補助火故也或曰痘未出之

先既可服此又奚取於保嬰丹乎殊不知保嬰以解毒而使之稀此則氣血弱不能出者服此而托之使出也

又方 臘月梅花將開時採晒乾為末煉密為丸未出之先量兒大小三四服可令痘稀加硃砂尤妙

二花散 治痘疹已出未出不發不起隱在皮膚之間熱證並治

梅花

一兩
陰乾

絲瓜

五錢
陰乾

桃花

五錢
陰乾

硃砂

二錢
飛過

水

甘草

一錢去
皮火煨

右為細末每服五分半未痘時蜜水調下

服前藥仍不快無諸惡候者可服八味二花散

見大
法

虛寒例丹女子瘡後出痘血氣俱虛又值冬寒熱易退
不出

丁香

五粒

附子

肉桂

陳皮

當歸

酒洗各
五分

人參

半兩

黃芪

一錢

甘草

炙二
分

右水煎服

陳異功散 治痘瘡已出之間不光澤不起發根窠不

紅謂之表虛

木香

當歸

各三錢

桂枝

白朮

茯苓

各二錢

陳皮

去白

厚朴

薑製

人參

去蘆

肉苁蓉

各二錢半

丁香

半夏

薑製

附子

炮去皮各一錢半

右咬咀每服二錢水一盞薑五片棗三枚煎服 右

治虛寒虛而不寒者宜用前方血氣俱虛之劑不宜

用此必脈虛細四肢身體冷者方可用此方

十補散 滋養氣血調和脾胃能使瘡毒速出有寒證

者用之加紫草木香糯米名參耆內托散

黃耆 人參 當歸 各二錢 厚朴 桔梗 川芎

防風 白芷 甘草 各一錢 桂心 三分

右每服四錢水煎服或為末溫水調下一錢五分

虛熱例藍根散 治瘡疹出不快及倒靨一名二聖散

救小兒垂死

板藍根 甘草 各一錢半

右末每服半錢取雄雞冠血三兩點同溫酒少許食

後調下無時甚則三五服立效

丹溪云蘆能
分散敗血

絲瓜散發瘡疹最妙絲瓜連皮燒灰存性百沸湯調下
或以紫草甘草煎湯調服尤佳米湯亦可

蘿蔔湯

見前

煩不得眠例痘疹煩不得眠者甘桔加梔子湯

桔梗 甘草 梔子

右各等分煎服

活治痘出不快煩躁不得眠者水解散麻黃黃芩湯升

麻黃芩湯主之

海藏云莫若定其氣血用石膏梔子之類尤佳麻黃黃芩湯升麻黃芩湯亦當

求責的是太陽陽明方可用之

水解散 治天行頭疼壯熱一二日兼治庖瘡未出煩

躁或出尚身體發熱者

麻黃

去節四兩

大黃 黃芩

桂心

甘草

炙

芍藥

各二兩

右為粗末患者以生熟湯浴訖以煖水調下二錢相

次二服得汗利便瘥強人服二方寸匕風實之人三
伏中亦宜用之若去大黃春夏通用

升麻黃芩湯治痘瘡出不快煩躁不得眠 麻黃黃芩

湯治痘瘡出不快益煩躁昏瞶或出尚身疼熱者

二方見小

兒傷寒門

胡荽酒 胡荽一味細切四兩以好酒二盞煎一二沸

入胡荽再煎少時用物合定放溫每吸一大口微噴
從頂至足勻遍勿噴頭面病人左右常令有胡荽氣

即能辟去污氣瘡疹出快

指南有禁瘡之說云痘毒奔潰由氣血虛弱不能拘領其毒以致毒盛而聚於腠虛之處故痘之初出也或一點二點見於隱僻腠節之處及方廣四肢之間此痘一出則諸痘不得宣發成漿矣故曰禁瘡其禁有五一曰胃禁二曰火禁三曰水禁四曰風禁五曰寒禁 胃禁者毒火炙胃不能發散於肌表脾胃潰爛其外證之痘出於唇口之間者或二三四五點相連諸痘未漿此痘

已先黃熟知由熱毒內攻胃已腐爛故諸痘不得成漿也如唇口一見此痘當察其面色煩紅氣粗熱甚口臭異常者是其驗也 火禁者小兒初發之際或因身發寒熱而誤以火薰灸其衣被或睡卧於火箱之中使皮膚乾燥故痘毒發泄不世又兼氣虛而不能拘其毒則毒停皮膚之內隱隱不能發出肌表也細看皮內覺有紅點無頭無脚或於四肢頭面方廣之處見一二點痘子則諸痘皆從此痘上發洩為孽而皮內隱隱不出之

痘終不能快出名為火禁以水楊加荊芥煎湯浴之則諸痘自發矣輕則升麻和解散主之 水禁者初發熱之際陰陽未分毒氣方熾或悞食生冷則毒停於皮肉之間隱隱有紅點或於方廣兩脇手足頭面之際發有水泡者是也蓋冷氣在內則腹疼肚脹在外則發熱惡寒此其驗也以丁桂茯苓升麻大腹之類逐之冷食遺積脾胃須防下泄再加山查 風禁者發熱之初失於不避風則風入肌表痘不能發或肌膚麻木不知痛癢

或不麻木而乾燥或毛直而乾焦或皮膚欲搔或重則
狂煩譫語此風與火搏故也治法以升麻湯加羌活荆
芥以逐之甚則蒺藜蟬退以攻也 寒禁者發熱之初
候經冷水沐浴或睡卧於鐵漆寒冷之處或衣被單薄
感冒寒氣則痘必不能宣露有手足麻木不知痛癢有
四肢冷痛不能舉動者有麻木冷痛之處不出痘子惟
於委曲避風之處或頭面髮際之上痘出如癰疹者是
其驗也內以丁桂川芎升麻逐之外用綿衣以溫之曾

見小兒年十一二歲發熱之初卧新漆床上初因熱極
父母不防出痘任小兒手貼漆床而卧致令寒氣侵入
手臂其餘四肢面腹方廣之處俱出有痘惟一臂麻木
不仁無一點痘見諸醫視之並不知其故請余至詳察
其由乃以前方治之後見一臂痘發出比他處尤為稠
密臂痘一出諸痘俱起九日而平復如故

出見部分經曰諸痛癢瘡皆屬心火心之華在面痘瘡
之火其出先在於面但觀其出之部位可以知其候之

凶吉如先在唇四畔出者或兩頤出者吉蓋太陽之邪
下傳陽明陽明者胃與大腸積陳受朽氣血俱多又口
為水星頰頤屬腎水火為水制不能作虐也如在額角
眉心先出者凶蓋太陽足壬膀胱水手丙小腸火丙火
獨旺不受壬水之制其毒併於膀胱之經而先自病膀
胱多氣少血又正額屬心火火不務德妄行無忌心為
君主之官主危則十二官皆危矣凡起發成漿結痂亦
如此論 經曰頭者精明之府又曰春風者病在頭可

見頭乃人真元會聚之所為發生之本又面列五官分五行而五臟之華皆見於面是頭面者人君之象至貴至尊不可凌犯者也咽者胃脘水穀之道路也主內而不出喉者肺脘呼吸之往來也主出而不內在人之身譬猶關津要路也瘡痘之出最要頭面稀少頸項無方是吉兆若頭面多者謂之蒙頭諸陽獨亢五官俱廢神明失守精華自萎經云神去則機息氣止則化絕者此也頸項多者謂之鎖項內者難出外者難入上者不升

下者不降經云一息不運則機絨窮一毫不續則膏壤判者此也故皆不治 陳氏文中曰痘瘡輕者作三四次出頭面稀少胸前無蓋頭面者諸陽之會胸者諸陽之所受氣此數處痘子宜少不宜多以清陽之分不可濁亂也手足雖諸陽之本乃身所役使卒伍卑賤之職非若頭面為元首也又居四末非若胸膈心肺之居神明之舍也故雖稠密不必憂也若頭面胸項手足稠密瑣細一樣者却愁氣血衰微脾胃虛弱不能周流灌注

起發不透收靨太遲而生他變矣 凡痘子初出便自

手足先出者他處未起而手足先起他處未收而手足

先收者此陽火大旺宜用解毒抑陽扶陰之劑四物湯

失血

合黃連解毒湯

煩躁

主之如他處俱起而手足起

遲他處俱收而手足不收者此脾胃虛弱不能行其氣

血達於手足宜補脾胃十全大補湯

汗

桂枝芍藥湯

腹

痛主之

一出紅點數粒發於山根之上為毒盛氣虛

而毒乘虛犯上或發三五粒一塊者皆不吉之兆也宜

急用涼血解毒以防危急若腮頤地閣之間疎疎發見
淡血潤色三次出者乃吉證也

出見形色凡痘瘡之出不論疎密而論磊落若磊落
落如珠如豆顆粒分明尖圓緊實雖密無妨此謂出盡
無留毒也如黏聚成叢模糊作塊不分顆粒恰如紅瘤
雖只一二處未可言疎此謂之伏出未能盡若待後者
再出則先者或陷而復隱或癢而俱潰成壞瘡矣此猶
淹延引日久而後斃若如蠶之殼如蛇之皮此氣至而

血不榮也謂之乾枯如蚤之咬如蚊之嘍此血至而氣不充也謂之陷伏不能引日奄忽而死矣 痘瘡初出

與未病時皮色一般者善若瘡太赤根下皮色通紅此

血熱氣不管束也後必起發太驟皮嫩易破癢塌而不

可救宜急解血分之熱四物湯 失血 加升麻地骨皮紅

花紫草或消毒飲活血散 起發 合而飲之待色少淡急

補氣分之不足四君子湯 不能食 加黃耆防風木香或調

元湯 大法 參苓白朮散 痘渴 合而飲之仍用血氣二方

相間而服若成漿不破損者吉服藥不効反增瘡癢者
命也 痘瘡初出有四善紅活明潤緊實堅厚尖圓布

散磊落稀疏蓋痘子賴血以潤之血活則其色如丹砂
如雞冠若毒凝血聚則遂成黑色今頭焦黑者乃榮血
不能流行內外毒氣壅遏此證甚危其人必大小便秘

喘急煩燥宜用七物升麻丸 初熱 當歸丸 便秘 通關散

便秘 三乙承氣湯 便秘 看輕重緊漫用之以解裏之急

得利後以紫草飲加味四聖散調無價散以解表之毒

仍用臙脂塗法瘡變紅活以漸起發者吉若更乾黑者凶莊氏云癰瘡倒靨而黑色者謂之鬼瘡 痘子賴氣

以束之脾胃強氣實則肌肉厚皮膚堅今痘皮嫩薄溶

溶如淫濕之狀乃脾胃氣虛其人必少食或自利宜用

十全大補湯自汗去生地黃加防風白芷外用天冰散

即六一散蜜水調拂瘡上以解表之濕熱瘡若起發成

見初熱

漿者吉漸變癢塌者凶聞人氏云瘡痘作癢深為可慮

能調和愛護勿令有此乃為上策 痘出如灰色白者

氣虛也候齊後以保元加木通川芎肉桂最穩用木通者取通心氣也 出不紅活淡色者血虛也保元湯中

加酒炒當歸酒炒赤芍藥及川芎血熱者加生地黃

薑汁

拌倍黃耆

痘出皮膚乾燥枯澀者必難起脹用溪中

白石洗淨燒紅以井花水潰之使濕氣蒸於痘上頃間

光澤甚易起又能辟穢 一出與地皮相似無骨起之

意乃是紅斑急宜涼血解毒宜羌活散加酒炒芍藥紫

草紅花蟬退木通糯米連進數服或以六一散保嬰丹

紫草膏隨意用之亦可癰退以保元加木香荳蔻煎服以解紫草之寒防其泄瀉若夾疹同此如治稍遲則變成黑癰實難救矣大抵下紫草必下糯米五十粒則不損胃氣無泄瀉之患惟大熱大便秘者不下糯米以糯米黏膩故也

餘詳夾癰
夾疹條

一出真紅焮赤摸過皮軟不

礙手者此係賊痘過三日變成水泡甚至紫泡黑泡此危證也急少加保元大加紫草蟬退紅花解之或煎燈草木通湯調六一散利去心熱而紅紫自退如已成水

泡則保元中大下四苓利之此千金妙法也不然則遍身擦破赤爛而死痘子初出不成顆粒但皮膚間濟濟簇簇如寒風粟子之狀或雖出形與鍼頭相似稠密無縫此皆惡候雖有良工無能為矣

紫草飲

紫草 芍藥 麻黃 當歸 甘草

各等分

右剉細水一盞煎不拘時服

加味四聖湯

紫草 木通 木香 黃芪炙 川芎 甘草

人參

各等分 蟬蛻十箇

右剉細加糯米百粒水一盞煎服

臘脂塗法

先以升麻一味煎濃湯去渣却用臘脂於湯內揉出紅汁就以本綿蘸湯於瘡上拭之

阮氏萬全散 治痘瘡出不紅潤

防風 人參 蟬蛻

各等分

右細切每服四錢水一盞入薄荷三葉煎六分溫服
熱而實者加升麻

化毒湯 治痘已出而熱毒未解宜清熱涼血毒一解
不致黑陷血一涼不致紅紫

紫草 升麻 甘草 蟬退 地骨皮 黃芩
木通

右各等分水煎服

解毒散 治毒先發腫者名為痘母後發者十有九死

先發者吉

金銀花

五兩

甘草

一兩

木通

防風

荊芥

連翹

牛蒡子

各三錢

右用酒水各一鍾煎服

如泄加訶子豈菴

痘紅

者加炒黃芩芍藥

瘡癢者加歸身生地或加何首

烏尤佳 疼痛者加赤芍藥

露桃花散

痘形一兩日梟紅罩錦或色焦紫惡渴煩

躁睡卧不寧再不宜以藥下之準服露桃花散自然

紅活

露桃花 紫草 紅花 白芍藥

加倍木通

生地黃 茯苓 甘草 橘皮

右用燈草煎服 露桃花性陰而和陽取時須待將
開含笑清晨摘取飯鍋上蒸熟焙乾帶蒂入藥不宜
多用多用恐作瀉若不預收多加紫草茸芍藥可也
黃連解毒湯 痘出三兩朝身中熱烙焦紫無紅活色
梟突猛烈之甚也或眼紅臉赤或小便澀結須服黃

連解毒湯加減犀角地黄湯可也

黃連 生地黄 芍藥 甘草 木通

車前草 殭蚕 桔梗 連翹 牛蒡子

荊芥

右水煎服或去殭蚕翹芥加紫草茸澄心熱甚加柴
胡地骨皮飽脹加全瓜蒌枳實山查氣弱不用枳查
加減犀角地黄湯

犀角 木通 生地黄 芍藥 紅花 紫草

茯苓 車前草

鮮者

地骨皮

鮮者

甘草

右水煎服 犀角須用井水磨濃俟藥煎如度投下
服之不可和內煎也若身熱驚厥加紋銀一塊全煎
蓋因肝木旺而心火炎上故金以尅之耳

五龍湯 痘一見形就是蚊蚤咬的形者是痘毒緊騰
心肝二經而然也極是犯君痘經云臣陵於主逆天
條有福兒童驀地逃總然和順成功去也在刀山走
一遭好把化癍湯浴之內服五龍湯

黃連 紫草茸 芍藥

各三錢

生地黃

九錢

右煎濃入水磨犀角汁和服

王氏治此多用大

黃湯下之徹逐其毒隨用升表之劑固為美法然下後不能提峻速致其死不若五龍之安也

化癰湯

金線薄荷

大水楊柳

荊芥

蒼耳草

右四味共煎濃去渣將頭髮滾湯洗去油垢團櫛仍湯熱徐徐浴之必須置之煖處外再服前藥癰去而

痘自鼎峻矣

四仙散 痘起遍身俱是黑色論脩載在前矣要是元
癸奪權爭先如青天晴極而雲霧靜水風動而波行
第一奇痘也只以化癰湯浴之於外而內用四仙散
自然色變而為美矣 甘草紫草與通草三般遇此
多是寶黃連連翹與石蓮三味合浸共一炒研末惟
在空心時砂糖調服霎時好 此痘得者甚鮮非富
貴之至者不能見此若見形而盤縷失天元者不在

此列 按此即所謂鴉翎痘也雖黑而光潤圈圓頂峻與常痘同得之者必主大貴

玉泉散 痘形一朝就結焦粒是梟炎徹於肝榮而玄水弗克和解急服玉泉散庶可挽治

犀角 錢二 白芍 黃連 各一錢 冰片 三分
為細末 另研

右濃煎甘草湯或建糖調服大者五分小者再減此方屢治痘焦者恒獲速効但犀角人不諳用法必須粗礪瓦盤井水磨之待澄淨去水刷於綿紙上略

有乾燥方和前藥用之若以鐵器銹下細末犀不漬
水則不効

出多熱不退涼血解毒湯 痘出熱不退紅不分地或
痘苗乾枯黑陷急用此方可起壯灌漿

紫草

錢一

生地黃

柴胡

各八分

牡丹皮

赤芍藥

蘇木

防風

荊芥

黃連

木通

各三分

牛蒡子

四分

天麻

紅花

甘草

各一分

右用薑一片燈心二十根糯米百粒水煎服

清地退火湯

見前

加味犀角飲 痘已出不勻心煩壯熱口舌生瘡

犀角 牛蒡子 荊芥 甘草 防風 升麻

桔梗 麥門冬

右水煎服

護咽喉凡瘡疹未有咽不痛者心胃有熱上攻於咽乾
澀而疼宜於發熱初出之時預解之甘桔湯加牛蒡子
甚者射干鼠粘子湯令毒火解散不停留於咽喉之間

致生他變也若初時隱忍不即解之以致毒留咽喉發而為瘡腫脹潰爛水穀不入呼吸不能聲啞難言却欲呼醫悔無及矣所以甘桔湯瘡出之後常宜飲之利咽喉寬胸膈清肺金解毒火也如兼口舌生瘡齒浮齲腫者宜甘桔湯合黃連解毒湯加牛蒡子水漿不入者射干鼠粘子湯加桔梗荊芥穗山豆根以上證候須能食臟腑亦熱方可用如上焦雖熱却覺小便清大便溏飲食不進者只用甘桔湯不須加牛蒡子蓋其性涼為瘡

疹所宜服者能透肌出癰瘡是瘡疹亦出也大便利則不可服

甘桔湯

射干鼠粘子湯

俱咽

護目痘瘡方出之時使不入目以神應膏塗眼四周或只以臘脂取汁塗之或傳以水調黃蘗末或以牛蒡子為末蜜調貼顙上或以白芥子末水調塗足心此皆養護之良法也若眼中流泪或多眵或目中赤紅此肝火大旺宜早解之洗肝明目散加蟬蛻又有忌食之法如

醱厚滋味牛雞鵞鴨皆不可食食雞鵞鴨卵未有不為
目害者但令食淳淡之物或少入鹽亦無害如湫隘之
家不可煮雞鵞鴨卵其氣相襲亦能損目不可不知
神應膏

黃蘗

一兩

真萊豆粉

半

甘草

四兩

紅花

一兩

右為細末用臘脂水和蜜水調塗兩眼四畔之瘡痕
上

黃蘗膏

如瘡疹已出此藥塗面次用胡荽酒外治法

黃檗

一兩

萊豆粉

紅花

各二兩

甘草

四兩

右同為細末生油調從耳前至眼眶並厚塗之日三

兩次如早塗瘡不至面縱有亦少

彭氏云痘疹護眼人多用臘脂據元

醫云不如錢氏黃藥膏最好諸家護眼法無如此方

痘瘡初出用鼠粘子為末水調傅顙門並無眼患亦妙

洗肝明目散

眼目

夾疹夾斑錢氏云痘瘡只出一般者善凡痘初出其間

碎密若芥子者夾疹也皮肉紅腫成片者夾斑也疹由

心熱癰由胃熱宜急解其毒消疹用黃連解毒湯

煩躁

合消毒飲化癰用人參白虎湯

痘渴

合消毒飲或只以

升麻葛根湯夾疹者加防風荆芥穗木通麥門冬黃連

夾癰者加石膏人參大青玄參淡竹葉如疹散癰解現

出正痘疎密停勻者吉痘被癰疹夾雜不能起發者凶

痘瘡聞人氏云傷寒邪熱在表裏未能作汗或當汗不

汗熱鬱於肌膚故發痘瘡色白或赤如火丹頭作漿白

膿者輕根下紫色隱隱在肌肉者重甚者五內七竅皆

有之二形亦如痘小兒肌肉嫩薄尤多此證非正瘡痘也又云六腑屬陽有熱則易出是以作痘瘡一出即遍滿肌膚之上如痱瘡細孢子見而便沒其所受氣淺故也五臟屬陰有熱則難出其為痘瘡在肌肉血脈之間必先發紅斑而後如痘故名瘡痘其所受氣深故也大抵暴熱而便出者必膚疹久熱而難出者必是正瘡痘膚疹非正瘡痘也愚按痘瘡初出五臟不同肝水疱其色微青而小肺膿疱其色微紅而大心為斑色赤而小

脾為疹色赤黃而淺及五七日之後不問其初出自何藏悉成血疱血疱成膿疱正如豆樣膿疱之後結痂疔則愈此方是正瘡痘也或人疑之曰肺既為膿疱而血疱之後又成膿疱者何耶蓋膿疱之出於肺者言其初時淡淡如膿其色白而非黃俗稱白痘者是也若血疱之後所結膿疱則是其瘡已熱譬如果之成實飽足充滿包裹黃膿其色黃而非白也

子母痘袁痘經於心者必湧出而無漸經於腎者必沉

匿而難見痘焉有子母者耶若肝肺脾三經來者或作兩三次而盡標或作四五次而盡標或一邊灌漿一邊表暴或回盡而旁隙處痘又臻焉或頭面先稀少身體多布列而後上焦又添出焉或身體先稀少頭面多布列而後下焦又添出焉此所謂子母痘者也蓋因元氣以漸而至梟災以漸而微不失之峻速以貽莫勝之悲不失之隱滯而踵攻激之害疔癰可消溶於起點之時癰毒自祛除於腐痂之後非陽明胃太陰脾二經弗克

致也世俗以先表者謂之望痘後出者謂之贈痘意有在焉

禁忌瘡痘本因熱而出熱勢甚則其出愈難故癰點未

見之時惟當用平和藥如升麻葛根湯參蘓飲

俱初熱

垣鼠粘子湯

出太密

惺惺散

初熱

等解利之或有不問虛

實便以辛熱之劑大發之施之虛者猶庶幾焉若盛實

之人熱毒彌漫榮衛閉塞裡毒甚者大便不通小便如

血是謂鬱毒不散毒氣無所從出反攻臟腑表毒盛者瘡

凹而不起遂成倒陷或為潰爛或為癰瘡當此之際不能解利至於斃者多矣是陽盛熱熾無陰氣以感之也用消毒飲咽喉七物升麻丸初熱得毒氣解散榮衛流通瘡子將自起矣

見形三朝生死

凡小兒發熱三日之間熱退身涼涼而復熱熱而復涼然後報痘從口角顴骨上兩兩三三成對報點至三四五日出齊者順之兆也其或發熱只一日或兩日即見

紅點或吐瀉腹痛或戰慄身溫不食昏卧三四日痘不起發不光澤慘暗不明根窠色白皆虛寒之候也所謂險也可治而愈苟發熱太甚煩躁悶亂喘急不食反熱而復涼連熱一齊突出紅紫黑色不起渙不光潤為表中實熱或自太陽天庭方廣出起皆凶之兆難治報痘時頭面稀少胸前背後皆無根窠紅潤頂尖礙手如水珠光澤者上吉也不必服藥

報痘時煩躁不寧腰腹痛不止口氣大臭出紫點者死

亦有出青癰如藍靛色者皆死證也

報痘時色白皮薄而光根窠全無紅色或根蒂一點紅
三五日即長如棗豆大此痘決不能灌漿久後成一泡
清水擦破即死不可因其好看妄與下藥

報痘全不起頂又頂如湯泡及燈草火燒之狀十日後
癢塌而死

報痘時起紅癰如錦紋者六日死遍身如蛇皮者死
報痘時黑癰如瘰狀肌肉成塊黑者即日死

痘身發熱未透而即報點現標已而復沒不見又出又沒者謂之弄標痘蓋痘瘡全憑熱透則肌膚通暢自然易出今熱不透則地皮未熟出而復沒隱而又出氣血衰弱之甚無力發洩故曰難治

痘色紅紫焦枯貼肉不起皮厚黑如鐵挑之不破無漿血者謂之鐵甲痘乃氣滯而不榮血枯而不潤磅礴皮肉八九日內死

凡瘡痘已出頭面要稀疏磊落頸項上宜少不宜多胸

前要少而疎如此者其毒則輕如面上模糊一片未發
先腫纏頂稠密胸前亦密此毒甚也勿治 凡痘子出
盡正將起發其中有發血疱者此毒伏於心即死有發
水疱者此毒伏於肝旋見癢塌而死



證治準繩卷八十三

欽定四庫全書

子部

證治準繩卷八十四

詳校官太醫院恩禮臣袁大錫

編修臣倉聖脈覆勘

總校官進士臣朱鈴

校對官助教臣羅萬選

謄錄監生臣姚培敦

欽定四庫全書

證治準繩卷八十四

明 王肯堂 撰

幼科

心臟門

痘瘡起發證治

萬痘瘡之證熱三日出三日後方起發此常論也蓋先
出者先起後出者後起痘疎毒輕氣稟厚者自易出易

發易屬痘密毒重氣稟薄者自難出難發難靨未可拘
定日數時師不知虛實補瀉之理但於起發之初便用
補脾果內氣不足少食者用之允當若內實便利能食
之人寧不黨邪為惡乎非徒無益而反害之 痘瘡之
出有輕有重觀其形狀即可知之如一發便出盡者必
重也瘡夾疹者半輕半重也出稀者輕裏外微紅者輕
外黑裏赤微重也外白裏黑者至重也瘡端裏黑點如
鍼孔者勢劇也青乾紫陷昏睡汗出煩躁熱渴腹脹啼

喘大小便不通者困也善用藥者能使輕者易安重者
不致大困斯可謂之十全矣 凡痘瘡疎則無毒密則
有毒痘疎無毒者邪不勝正其氣和其勢順不須服藥
痘疎密佈散邪正相持其氣病其勢險此宜抑邪扶正
使邪氣亟奪不為正氣之賊痘稠密無縫正不勝邪其
氣平其勢逆善治者什可救其二三不善治者束手待
斃而已故順者不必治逆者不可治險者貴治此以下
專言險逆者之證治也 痘子輕者作三四次出大小

不一等其起發亦先後循次大小分明不相連串顆粒尖圓根窠紅活光壯肥澤此表無病飲食如常大小便清潤此裏無病表裏無病大吉之兆不須服藥 凡痘密者多難起頂但欲皮厚有膿漿色以燈影之苟非皮薄水泡光潤雖平亦無傷 凡痘子出得稀疏者自然易發易靨不可妄治若瘡稠密常患其發不能透宜細視之但紅活不甚長大者氣不足也用四君子湯合勻氣散加燒人尿治之如焮腫色帶紅紫者血熱也用四

物湯

失血

合消毒飲

見形

加燒人尿治之如不潤澤而乾者

此血弱也用活血散加消毒飲與之如不起發不紅活

平癰灰白者此氣血俱虛也用十全大補湯

汗

加燒人

尿牛蒡子與之如有青乾者內服快癰湯

見形

加燒人尿

合奪命丹

見形

與之外用四聖散

痘疹

合臙脂塗法或用胡

荑酒

俱見形

或用水揚湯浴法務求光壯紅活而後已如

中間有成水泡者防其癢癰宜先補脾胃疎風瀉火使

肌肉實不作癢可也十全大補湯

汗

加防風大力子主

之瘡子起發只以出勻為期不可拘定日數瘡出以漸其發亦以漸謂之適中若已一齊湧出便皮肉虛腫一齊焮發者此表氣虛毒氣奔潰而出表虛不能收斂必生瘡癰或成潰爛急宜救表十宣散調無價散活血散合消毒飲相間服之若出已盡當起不起或起不透此裏氣虛毒氣留伏壅遏而不出必增煩躁腹滿喘促或後為癰毒急宜救裏十全大補湯合勻氣散或參苓白朮散調無價散服之 痘至四五停住不甚起者少

後力而助之用生黃耆參伍錢人參貳錢當歸鹿茸壹貳錢煎服或磨入木香少許兒大者倍之俟漿滿足而止

十宣散

見形

活血散

即芎歸湯

當歸

川芎

各等分

右為細末每服壹錢紅花湯調服

消毒飲

見形

十全大補湯

汗

勻氣散

見形

參苓白朮散

渴

無價散

倒靨

參耆四聖散

治痘瘡已出六七日不能長不生膿或

瘡塌

當歸

芍藥

炒

黃耆

川芎

各伍分

白朮

茯苓

紫草

如無紅花代之

木通

防風

各叁分

糯米

貳百粒

右水煎母同服

胎元散

痘不起發不紅潤是血氣俱虛

胎元焙乾為末加麝香少許酒調服叁伍分

獨參湯

治陽氣虛弱痘瘡不起發不紅活或膿清不

滿或結痂遲緩或痘痕色白或嫩軟不固或膿水不

乾或時作癢或畏風寒 用好人參壹兩生薑伍片

大棗五枚水二鍾煎八分徐徐溫服嬰兒乳母亦服

乾枯灰白紅紫青黯丹如將出成就之際却色淡不正

者屬血虛宜用補血藥當歸川芎白芍酒洗之類或

加紅花 如將成就之際却色潔不正者屬熱宜用

涼藥解毒升麻芩連桔梗連翹之類甚者用犀角屑

如用後項諸藥色仍不正者宜兼用二法治之

痘瘡之毒必氣以拘之血以濡之而後可得成熟也故

於起發之時光壯者氣有餘也肥澤者血有餘也血氣有餘表裏俱和不須服藥如形長大而色枯燥者此氣至而血不榮也宜四物湯

失血

加人參麥門冬色紅潤

而形平陷者此血至而氣不充也宜四君子湯

不能食

加

黃耆官桂川芎形平陷色枯萎者此血氣俱不足也宜

十全大補湯

汗

合無價散

倒腐

主之色灰白者氣虛也

四君子湯加黃耆當歸官桂色紅紫者血熱也四物湯

加紅花地骨皮牡丹皮

凡痘瘡起發遲滯頂平色灰白者氣虛也其人平日食

少脾胃不足人參白朮散

湯

去葛根加桂十全大補湯

汗去地黃加木香主之如曾有吐瀉以致氣弱者四君

子湯

不能食

合益黃散

脾

主之瀉未止者四君子湯吞肉

荳蔻丸

泄利

甚者陳氏木香散主之

泄利

若紅紫色焮

腫者血熱也四物湯

失血

合消毒飲

見形

加紅花外用

臘脂塗法

見形

解之乾枯者血虛也四物湯加人參麥

門冬地骨皮外用臘脂塗法水楊湯浴法

灰白另立門在下卷

起發之時根窠紅活形色潤澤者此血隨氣行灌注諸

瘡自然紅活肥澤不須服藥如雖起發乾枯無水謂之

不肥澤帶青紫黯色謂之不紅活其變為黑陷乃血虛

也四物湯

失血

加人參及麥門冬紫草紅花間進調無

價散

倒靨

或吞服奪命丹

見形

外用臘脂塗法

見形

水楊湯

水楊柳五觔淨洗春冬用枝秋夏用枝葉剉

斷用長流一大釜煎六七沸先將三分中一分置浴

盆內以手試不甚熱亦不可太溫先服宜用湯藥然

後浴洗漸漸添湯以痘起發光壯為度不拘數次

祛邪湯

痘號天花最忌諸穢臭惡血五六朝間痘本

美麗鼎峻而一時失防或觸於腥血或感於穢臭條

忽更變外宜祛邪湯浴之而內服玉樞正氣丹可也

雞毛

拔細軟者

升麻

荊芥

木通

紫蘇

荔枝殼

水楊條

右用水煎濃去渣洗浴

玉樞正氣丹

玉樞正氣神功捷生地紅花併甘桔參

者須倍摘紅扛蟬蛻防風義愛覓寅谷相朝嫩桃杪
五箇和薑甘草列煎濃投酒服須臾不覺痘自還元
吉

頂陷起發之時不徐不疾以漸長大尖圓磊落光壯堅
實根脚紅活此氣充足載血而行透徹諸瘡自然尖圓
光壯不須服藥如雖紅活頂平中陷不成尖圓色嫩皮
薄不能堅厚其變為癰癰為留伏壅遏乃氣虛也四君
子湯不能食合勻氣散見形加黃耆官桂或人參白朮散

湯

加黃耆官桂防風或調元湯

大法

加官桂防風白芷

荊芥穗或十全大補湯

汗

去地黃加防風白芷或十宣

散

見形

皆可選用若瘡皮薄色嬌淫淫如濕者此氣不

勝血宜補氣涼血四君子湯四物湯去川芎地黃加黃

耆官桂防風荊芥穗如浮囊虛氣殼中無水者此氣不

依血血不附氣其變為癢癩為癰腫十全大補湯去白

朮加大力子連翹防風燒人尿

痘瘡起發尖圓為貴

如四圍起中心平陷者此有二種有血化成水四圍高

起心中略低凹者俗呼為茱萸痘此中氣不足發未透
徹故耳能食者至養漿之時盡充滿而起矣不能食者
宜扶中氣人參白朮散主之有四圍沸起中心落陷無
水猶是死肉其形如錢宜急攻之若待漸變黑點不可
為矣此名鬼痘四君子湯合九味順氣散加燒人尿或
紫草飲出不快或紫草飲子連進服之外更用臘脂塗法
見形及出齊後痘有小孔自頂直下至脚不黑不白與
痘色相同名為蛀痘皆因表虛而腠理不密成此證也

失於早治大泄元氣不起不發禍不旋踵急用保元湯
下生糯米川芎肉桂丁香其孔自密甚為捷徑連進二
三服必待孔閉而痘自起孔若黑色則為下矣 頂陷
色白皮薄晶光者氣虛也大下保元倍加酒炒黃耆肉
桂川芎丁香茯苓皮人乳好酒進之

九味順氣散

又名勻氣散

白朮

白茯苓

青皮

白芷

陳皮

烏藥

人參

各伍分

甘草

炙貳分半

木香

壹分半

右剉細水一盞煎七分去渣溫服

紫草飲子 紫草茸 人參 白芍藥 蟬蛻 甘草

穿山甲

土拌炒
各等分

右剉細用水一盞煎五分作三四次溫服

內托散 治痘瘡毒根在裏頂陷灰白色不起發根窠

不紅內托毒化立驗 人參 甘草 肉桂 白芷

白芍藥

川芎

各壹兩

黃耆

壹兩伍錢

桔梗

防風

各二兩

川當歸

伍錢

木香

貳錢

右煎水服 瀉加訶子肉肉荳蔻 有癰減肉桂加

紫草酒炒黃芩黃連牛旁子之類

治痘塌陷不起迴陽丹

此方用於四五朝前其効甚速若用於六七日後則
噬臍矣製法將彌月將生胞羊酒洗淨隨用黃麻纏
攏一團把臘糟裹外置新瓦上四圍炭火炙之俟其
外糟焦了如墨樣削去其糟再焙乾另為末入官桂
末丁香末各伍錢人參末壹兩木香末叁錢再研極
細升麻煎酒漿調服十歲以上服貳錢十歲以下服

壹錢十五歲以上服叁錢年多服多年少服少加減
而用無不獲効若加大附子壹兩去木香則為附子
迴生丹胞羊須預囑屠肆遇便收製若特殺傷生大
不祥

頂凸痘瘡起發有心中凸起四圍乾平無水者或裏紅
外黑者此由平日感受風寒皮膚堅木以致痘毒鬱而
不散宜桂枝葛根湯

初熱

十宣散

見形

以散表邪外用

水揚湯浴之

見前

粘連痘瘡起發貴於顆粒分明如其彼此相串皮腫肉浮或於本痘四傍旋出小痘攢聚胖長漸成一塊此候最重宜以快癍湯合消毒飲俱見形加燒人尿服之更宜禁忌以防癰癢之變

陷伏凡痘瘡以起發光壯紅活肥澤為順若將起發之時中間有乾黑不起者須急治之不可因循以致傳變加多不可救藥矣

痘瘡內而不出謂之伏外而復入謂之陷瘡痘黑陷當

分四證

一則感風寒肌竅閉塞血凝而不行必身痛四肢微厥
斑點不長或變黑色或青紫癰疹此為倒伏也宜溫肌

發散桂枝葛根湯

初熱

加麻黃蟬蛻或以紫草飲

出不快

吞奪命丹

見形

外用胡荽酒噴之須令溫散寒邪然後熱

氣復行則其斑自長矣

二則毒氣太盛內外蒸爍毒

復入裏必心煩狂躁氣喘妄言如見鬼神大小便秘渴

而腹脹此為倒陷伏也病邪輕者宜利小便解毒連翹

湯通關散

俱便悶

甚者以百祥丸牛李膏

俱黑陷

以瀉傍胱

之毒令陽氣復還脾胃溫煖服之身溫欲飲水者可治

是脾強勝腎陷者當復出矣若加以寒戰身冷汗出耳

尻反熱死然百祥丸太峻今以宣風散

發熱

三乙承氣湯

便代之外以水楊湯浴之

見前

三則內虛而不能使陽

氣以副榮衛者出而復沒癍點白色或黑色其人必不能乳食大便自利或嘔或厥此胃虛而不出謂之陷伏也宜用溫中之劑令其胃煖榮衛復行則當自出矣宜

調元湯

大

加丁香官桂理中湯

泄利

加黃耆官桂甚則陳

氏木香散

泄利

異攻散

快出

皆可用也外用胡荽酒

見

噴

之或因誤下之後毒氣入裏而黑陷者則宜溫養而表

出之先以理中湯溫養其裏後以桂枝葛根湯疎解於

表也不出再加麻黃 四則被房室等雜穢惡氣衝觸

而黑陷者則宜熏解之內服紫草飲子

見

前外用胡荽酒

噴之及茵陳熏法

餘詳前禁忌條內

茵陳熏法

用乾茵陳研末搗棗膏和丸如雞子大曬乾烈火燒煙熏之

大便痘瘡自起發之後大便常宜堅實緣小兒脆弱身熱而大便不通者則易實大便自利者則易虛雖四五日不便無憂也不能食者聽其自便賴舊穀氣為養至五日後則膿成毒化解利之劑可用也能食者三日後不通不腹滿不裏急後重則亦不必攻之可用膽導法便導之不通以當歸丸便微令潤過使氣道升降無壅

過之患不可妄下

凡能食者大便喜潤賴新穀以為

養而舊污之不留自然臟腑流利血氣和平不可妄用
溫補反增裏熱之證 胃主腐熟水穀大腸主傳送已

化之物故食多少可以知人穀氣之虛實大便滑澀可
以知人臟腑之冷熱大便如常是亦瘡疹之一順也如
起發之時忽然泄瀉此宜急止之恐腸胃虛真氣脫也
須辨冷熱虛實如瀉而手足冷面色青白瘡不紅綻者
冷證也理中湯九荳蔻丸

俱泄利

益黃散

脾

甚則陳氏木

香散

泄利

異攻散

快出不

皆可用也。瀉下之物黃又酸臭渴

手足心熱面赤瘡紅綻煖發者熱證也。黃芩湯

泄利

五苓

散

驚搖

主之脾胃怯弱精神慢而不食者為虛當溫養之

益黃散身熱中滿渴而不食者為實當清利之。五苓散

其人或臟氣自脫或因服寒藥致令瘡毒陷入大腸瀉

下如豆汁或便膿血或便黑汁口內臭氣唇焦目閉加

腹脹者必死之證。方論詳泄瀉本門不二散。治痘

當起脹灌漿時泄瀉不止以此止之。只一服瘡如服

此不已是元氣已脫不可為矣

蓮肉

炒去心
壹兩

真鴉片

貳錢

另研

右各取淨末和勻每服三四分米飲調下

此方不

但止瀉亦治煩癢二證夫固大腸之滑脫易知也歛
心火之浮游難知也

手足瘡瘡起發欲透惟四肢稍遠難得均齊必脾胃素
強能食多者不須慮此若脾胃素弱又食少者手足上
瘡常發不透蓋脾主四肢脾虛則不能行其津液溉灌

四肢所以發遲以補脾為主快癰越婢湯如不令透其
後手足必作癰毒又手足瘡痘多發水泡者此肝乘脾
也先瀉肝羌活湯發熱加柴胡後補脾人參白朮散渴去
葛根加桂如見而復隱起而復塌色紫黑者此腎乘脾
不可治

快癰越婢湯 黃耆炙 白芍藥 桂枝 防風 甘草炙

右剉細加生薑一片棗一枚水煎溫服不拘時

頭面頭面屬陽瘡疹亦屬陽以類相從故出現起發收

靨自頭面始升生浮長陽之性也痘瘡起發頭面以漸
腫大升生浮長之性不須憂恐只要瘡子磊落紅活光
壯肥澤待至成膿之後毒化結痂而腫亦漸消矣如瘡
粘連通串模糊成餅者又要紅活潤澤以快毒湯消毒
飲並見合而飲之或消毒化癰湯以解其毒更以甘桔
湯咽喉加牛蒡子相間與之以利咽喉寬胸膈令飲食無
阻也又以神應膏護目見若灰白青黃乾燥瘡面膚起
者皆死證也其頭面腫有不閉目者毒淺而輕有閉目

者毒深而重亦待瘡熟腫消而目自開若瘡未成腫消
目開者此陷也勿治

消毒化癰湯 升麻 柴胡 桔梗 甘草 龍膽草

牛蒡子 連翹 防風 蟬蛻 密蒙花

右剉細加淡竹葉十片水一盞半煎一盞去渣食後
服

凡將起發頭面預腫者此時行疫癘之氣名大頭瘟其
毒最酷急用羌活救苦湯解之

羌活救苦湯 羌活 白芷 川芎 蔓荊子 防風

桔梗 大力子 黃芩 連翹 升麻 人中黃

各等分

右剉碎加薄荷葉七片水一盞煎七分去渣食後溫服

痘疔痘疹之毒自內而出沖突氣血發散腠理初出一點血乃身中氣血被毒驅逐現於皮膚之外其成形者氣也成色者血也毒火太甚煎熬氣血先至之氣則削

矣血則枯矣氣削血枯腠理反閉毒不得出未免復入
於裏遂成陷伏時人以黑瘡子為痘疔又曰鬼痘者深
惡而畏之詞也此乃毒氣鬱遏非外感風寒內虛吐利
雜氣觸犯者可比古人立方如大小便秘腹脹煩燥者
則下之但大小便秘者則利小便解毒自利者以瀉膿
血為順水穀為逆却不立方以毒雖入腹皆瀉出也攻
之則無所攻補之則不可補昏悶不醒者用龍腦膏黑
陷以去心中之邪枯黑不起者或內用無價散倒靨以

解在裏之邪或外用水楊湯

見前

四聖散

痘疔

臘脂塗

法

見形

以解其表使邪氣得出皆良法也為工者合下

即下合利即利合發即發或解其裏或解其表應變出奇勿泥常法可也

發疱痘瘡發疱亦與黑陷相類外出入雖不同而毒氣壅鬱則一也或發水疱或發血疱或赤或紫或黑但見此證十無一生然亦有似是而非者不可不辨其人身上有灌瘡或破傷瘡未痊或雖痊癰痕尚嫩一旦

痘出則瘡癥四圍痘必叢集者物從其類之理也發生之後必然作疤者腐敗皮肉氣色先變宜與完膚有別也治此者先以鍼刺破吮去惡血後以臘脂塗法

見形

合百花膏

收靨

傳之此瘡又易作癢起發之後常宜以

茵陳熏法

見前

熏之勿令爪傷若被爬搔則反覆灌爛

淹延不愈變為疳蝕壞瘡以致不治者多矣

袁痘起六七朝膿漿未曾充裕頭面身背或手足關軸遽起水疱或似葡萄樣或似鵝子大或如被單聯蓋因

肝榮不能以資泄而肺金竊勢以凌侮準服三化丹歌
曰七朝泡起勢相凌三化丹中二味金白朮茯苓俱貳
兩四般法制用工深一兩要同歸酒浸一兩和却乳參
蒸一兩再和雄附煮一兩分與炒米停為末必須甜醴
服自然泡裏注黃金痘裏起泡多患乎膿漿不能充灌
若虛泡結軸十中八九泡內微有膿漿滋養元氣振援
兩儀寒剝之劑毫不可投或單用渾天湯和人參酒服
但恐癢作而泡潰死在旦夕耳

起發不透痘疹起發欲透磊落尖圓光壯肥澤者上也
根脚橫開皮起水漲者次也頂皮不起根脚不開猶是
先出之形不見新生之水此謂起發不透審查證候如

氣本實者必曾感風寒以桂枝葛根湯

初熱

合奪命丹

見形

發之如氣本虛必不能食或吐利以人參白朮散

渴合奪命丹以補中氣而發表邪如欲成陷伏者依前

四法治之若時日已多發猶不透或煩躁不安者此毒

熱在裏心惡熱以導赤散

心

送服牛黃清心丸

痘煩

以

解散熱毒導引心火也或啼哭者凡人五臟平和則神

宇安靜今五臟蘊毒內外蒸鬱神不安舍以導赤散送

服安神丸

痘謔妄

使鬱熱解散神宇清快也若謔言妄有

見聞時狂叫者此五臟熱毒蘊積陽氣獨盛無陰氣以

和之大使必不利以當歸丸

便悶

微利之再行膽導法

便悶

使無留滯易快利也甚則三乙承氣湯主之

便悶

若昏不知人腹脹喘呼死證也

雞鳴散 男女發熱三四五日或痘未形或痘形隱隱

或繞形於外而不能快利或煩躁譫語或腹疼嘔吐
或痰喘惡渴急服此藥則毒自表出矣 炒木 當

歸 川芎 甘草 大力子 茯苓 木通 枯

梗 蟬蛻 升麻 橘紅 山查 紅花

燈草生薑煎臨服入雄雞血并酒妙

震蟄丹 小兒熱三四朝痘或隱隱伏於皮膚或形於

頭面一二顆或標於身體四五顆上不宜補下不宜

瀉當服震蟄丹穿山甲肆錢酒洗淨和砂仁陳米炒

捲去砂仁米用白芍酒漿煮焙肆錢紅麴參錢蟾酥
參錢和勻共研細為末每用酒漿量兒大小增減大
者一分小者半分若踰十二三歲者斟酌加之用升
麻煎酒調服其効立見

天元接髓丹 男子十七八歲或二三十歲破陽虧元
倏一時患痘稀少者雖年大無妨倘多密連布欲其
鼎峻充灌勢必難矣急服天元接髓丹 歌曰男兒
陽破痘來臨不遇奇方坐視沉天元接髓丹功捷世

上醫家盡不明真正酒漿澄十碗一毫酸苦莫相侵
人參黃耆各貳兩橘蟬歸地半加羸鹿茸乳炙壹兩
半附桂半兩要調停慢火甕中煨熟後去渣出火莫
胡斟每鍾人乳三杯和薄薄生薑二片存再勻一沸
仍溫服立建奇功若有神此方屢獲明効但製法要
詳明當歸去頭尾懷地揀麤軟人參覓清河黃耆選
綿白橘紅連木蒺蟬退要身全附子連皮臍官桂削
外皮煨時度候只以米熟驗之人乳取來就不宜過

夜入塵辛酉年杭城邵語溪子年二十六歲平素寡
弱患痘痘勢沉匿不起單以此方倍加人參服之竟
後保全

內托散 痘不起發根窠不紅或灰白色咬牙寒戰等
證

人參 黃耆 甘草 川芎 當歸 防風 白

芷 桔梗 白芍 厚朴 木香 肉桂

右薑一片棗一枚水煎服 色紅紫者去肉桂木香

加紫草蟬退 漿不滿水酒各半煎服 色淡白者

去防風白芷加糯米 大便燥加人乳

治孩兒百日裏痘歌曰全蝎要身全五箇蜜焙乾蟬蛻

不可脫完身又完足五箇酒漿洗和炒研細末再加

酒芍藥砂糖調來服自然痘森森那怕月不足 月

裏患痘稀美者多密惡者少變蒸未踰猛浪之劑不

可妄投是方斟酌百投百効

痘至五六月忽然子脚牽縮一團不知者以為驚使然

耳豈知陽明受泉毒之熬鑠而筋絡不能榮血以滋養
故也謂之一把縛須服羚羊散歌曰 白玉羚羊壹兩
霜木通紫草生地黃芍藥蘘蠶全蝎桔橘紅甘草荆
芥防按法服來隨妥貼誤看驚治即多傷 此痘多
起於四五六朝則為是若起於兩三朝則為驚縮若
起於八九朝則作寒戰治之可也羚羊角必取其銳
尖處用之

陽毒七日前陽毒者凡瘡也以兒未出痘之先或生疥

瘡有形窠而成膿因而發熱出痘者或凡瘡未痊因而
出痘者或凡瘡方結成癰因而出痘者蓋凡瘡未痊及
初結癰處肉分必虛毒趨虛處而出故陽瘡陽毒雜為
一黨氣血俱盛則易成漿氣血衰弱則枯燥乾紅與諸
瘡俱不成漿治法與頂陷同

起發最忌泄瀉故特著之其他證候如發熱痛養腹脹
煩燥謔妄等各有本門宜就彼中查之茲不贅叙

起發吉凶痘瘡放標以後漸漸起脹先出者先起後出

者後起微紅光澤根窠明潤面目漸腫能食無雜證者
吉 大抵痘脹一分則毒出一分至六七日不盡脹又
黑色者死 鼻有涕口有涎眼有淚者可治俱無者大
凶 凡痘子已出自放標之日算起如當起發不應有
漿先有戴漿者如當作漿不應收靨便有乾收者此皆
惡候治之無功 口唇者脾之外候人以脾胃為本不
宜受傷如初發熱唇焦裂者此毒發於脾便宜用瀉黃
散解之不知早治痘子之出叢集於唇及至起發之初

諸痘尚未試漿此痘已熟內帶黃漿者此惡候也待諸痘成漿此瘡已靨唇皮揭脫漸變嘔食滄水昏睡而死矣大抵起發之初瘡頭便帶白漿者不分何處並非佳兆不特口唇為然蓋痘瘡初出一點血血化為水水化為膿膿成而毒解此自然之序也若初出之時半是水疱或纔起發便有帶漿者或未成膿即乾收者火性躁急失其自然之序不應至而至所謂早發還先萎也此毒火所為倏忽之間歟息氣盡而死矣痘瘡最要

以漸起發磊落紅活如一發都起無復顆粒模糊串連
不紅活帶灰白色面上浮腫如錫餅形此惡候也其人
能食大小便如常無它證候者吉若食頓減或原不能
食者凶 凡起發之時痘瘡稠密又見陷伏煩躁狂叫
之證或口中出臭氣者此毒火熏煎肺爛胃敗之氣也
或不飲食失聲者此咽喉腫爛也寒戰咬牙者邪傳腎
也或悶亂者神已喪也或體寒者陽脫也或嘔或瀉者
腸胃俱敗也經云五臟氣絕於內者利不上六府氣絕

於外者手足厥凡見已上諸證者皆不可治

灌漿證治

萬痘瘡初出一點血只成小小血疱起發則漸長大血
化成水為水疱至水疱轉作膿疱始成實矣成實之時
却要箇箇成膿肥澤飽滿根脚紅活又蒼蠟色如此者
可以刻定日數而知收靨之期 痘瘡初出或中心陷
下者或頂平者或根窠白色者其人能食或治不乖方
以至起發之後陷者盡起平者復尖白淡者變紅活窠

中血水已化為膿夫陷起平尖起發可謂透矣紅活飽
滿氣血可謂足矣水化為膿毒亦解矣表無癢痛之證
裏無吐瀉之證是表裏又無病矣如此者坐待收靨不
可妄投湯劑 痘子輕者常作三四次出有大小有先
後起發亦作三四次先出者先起後出者後起大者自
大小者自小亦如初出之樣待至養漿則先長者先作
漿後長者後作漿大小亦如之磊落分明不相粘連者
上也痘子密者長大胖壯以至作漿未有不相串者只

要陷者盡起無處不透轉成膿漿次也膿成之後毒氣已解無復留伏矣 人言痘瘡只到成膿則毒氣化解便稱無患不知膿亦有凶有吉如瘡皮堅厚膿漿渾濁約束完固無少破損此真吉兆若瘡皮軟薄膿水清淡滲漏淫濕易於破損此猶凶也惟瘡久熟時日已過當靨不靨者則膿復化為水皮亦易破勿依此論 痘瘡起發之初已當避風寒遠人物節飲食守禁戒到此養漿之時比之起發尤加謹焉可也蓋前此人病未久氣

血猶強足以禦乖戾之變至此則氣耗血虧精神減損
少有乖戾不能任之況瘡始成就尤易觸犯不可不加
謹矣如天大熱則徹去衣被令常清涼但謹門牕帷帳
勿使邪風透入天大寒則添厚蓋覆令常溫煖更用親
人左右夾之房室中可明亮勿絕燈火常燒辟穢香加
乳香令香氣襲入日夜常用一人看視互相更代勿令
疲倦恐或作瘡為之撫摩莫使誤破以致灌爛結痂不
美

辟穢香

蒼朮

壹

大黃

半

右剉細捻放火爐中燒之不可間斷

不作膿凡痘瘡出欲盡發欲透至於養膿便要成膿飽
滿者膿已成也渾濁者膿之形也黃白者膿之色也若
當作膿之時猶是空殼此氣載毒行血不附氣毒者血
也血既不至則毒猶伏於血中而不出四物湯失血合
紫草飲見形加蟬蛻主之如已成水清淡灰白不能作
膿此氣血俱虛所有之水乃初時一點血氣解而為水

非自內潮起之水十全大補湯

汗

主之此二證者為瘰

癰為癰毒不可不知也

痘瘡初發之後正待作膿却

不作膿者此與不起發而黑陷者分四證同論如感風

寒則當溫散桂枝葛根湯

初熱

加黃耆白芷防風毒氣

盛則宜托裏解毒利小便紫草飲子

起發

連翹湯

便悶

相間服之大便秘者宣風散

痘發熱

內虛宜溫裏十全大

補湯陳氏木香散

瀉

觸犯宜熏解內服紫草飲外用茵

陳熏法

起發

若煩躁昏悶者龍腦膏

黑陷

薛氏云若灰

白色或瘡而膿不貫用紫草四君木香色赤或瘡而膿

不貫用紫草木通湯

出不快

貫而膿清稀用參耆內托散

瘡痛

不應加附子緩則不救

秘要云頂陷無膿為逆

急用保元加川芎肉桂歸芍木香糯米煎熟加人乳好
酒溫服 色白如水晶內無膿者宜保元加糯米人乳
好酒進之 按病者元氣素弱或出痘時因稠密故服

解毒之藥太多或起發時曾有吐利等證俱傷元氣雖
用參耆等助發膿漿而猶恐元氣薄弱止灌清漿或缺

而不滿且有癰癰癰毒之慮宜於煎藥內加上好鹿茸
及燕紫河草丸藥仍進八味二花散為妙 曾見痘瘡
初出磊落起發亦透只待結膿窠之時却不作膿往往
變為壞證者或因其人不能食脾胃虛又自利不知調
理者或出未勻發未透毒氣陷伏妄談稀疎者此皆人
事之不修非干時毒而然也

六一湯 專發痘瘡之膿 黃耆

陸錢

甘草

炙壹錢

右咬咀每服二錢水六分煎入酒二分同煎至半盞

溫服更加椒欖同煎尤可加山藥亦得

助漿丸 治痘瘡七八日漿稀不來者急服

黃耆

蜜炙 參兩

白芍

酒炒

當歸

酒洗各 壹兩半

鹿茸

鮮潤色如 琥珀作鹿

角膠香 者乳炙

紫河車

酒洗去 紅 筋炙乾

白朮

煨

人參

各壹 兩

右為細末煉蜜為丸如茨實大每服一二丸炒糯米

煎湯化下

參耆四聖散

起發

秘傳大透肌散

見形

升天散

即灌膿起頂散治痘灰白或紅紫黑陷乾枯

或清水不成漿八九日十日皆可服 人參陸分黃耆

山查

各捌分

白朮

土炒

當歸

川芎

橘紅

各伍分

甘草

三淫羊藿 穿山甲

土炒黃

木香

各貳分

肉桂

參厘此引經之

藥多則瘥

右薑一片棗一枚水煎服或為末服亦可 如嘔吐

生薑湯下 瀉米飲下 肚痛神麴煎湯下

煩躁麥門冬湯下 渴用麥門冬五味子煎湯下

吐瀉藿香陳皮湯下 痘不成漿多服數帖無妨

補漿湯 痘灰白不起壯或漿清 淫羊藿 參分多人則發癢

參 當歸 山查 各捌分 穿山甲 土炒參分 黃耆 壹錢半 枸

杞子 壹錢 川芎 甘草 陳皮 各伍分 木香 貳分 白朮 土炒

六分 官桂 叁厘 黃豆 叁拾粒 笋尖 叁箇

右加薑棗糯米水煎服 一方有白芷防風

治痘白色帶寒戰方 痘標六七朝正要翕會膿漿遽

乃色白洋洋無紅活昂峻之美有土鐵塌陷之凶火

熱不退而有寒戰之狀宜服田單火牛湯 人參

黃耆 蓼子

擇細葉者是若川蓼則大葉葉中有青點宜細辨之和穿山甲炒甲氣盡去甲

當歸

各貳錢

附子

壹錢

甘草

伍分

桂

叁分

橘紅

捌分

右水煎服

脾胃瘡瘡已長膿漿欲成之時專以脾胃為主脾胃強則氣血充實自然膿漿易成飽滿堅厚不須服藥脾胃弱則氣血衰少不能周灌於身使之作漿虛軟清淡雖有漿亦水而已宜十全大補湯汗去地黃加木香或人參白朮散渴去葛根加黃耆官桂多服乃佳然脾胃強

弱於食多少大便堅利求之食少大便堅者脾胃之氣

猶足也若泄瀉則脾胃益虛四君子湯

不能食

送下豆蔻

丸

瀉

利止復以人參白朮散去葛根加黃耆官桂服之

便清要能食不能食者亦依上法如能食大便堅數日

未更衣者用膽導法

大便秘

通之使氣得疎通滯衛和暢

不致痼爛也

泄瀉瘡瘡出形起發並不宜泄瀉恐裏氣虛毒邪不出

反成陷伏故以瀉利非佳兆也若成漿之時尤不宜利

比之於前殆有甚焉蓋前此為病未久脾胃尚強足以任之今則病久津液已衰脾胃已弱若復泄瀉則僅存之氣重竭於內方張之毒不能成於外或為癰瘍或為倒靨或寒戰咬牙虛憊而死輕則人參白朮散去葛根加木香官桂黃耆甚則陳氏木香散渴異攻散出不快肉豆蔻丸瀉可以併進不効亟服不二散起發

便祕手足厥冷痘瘡手足和煖為貴養漿之時手足發熱手足必有汗此毒熱鬱於中必大小便不通脉沉滑

數疾宜利之三乙承氣湯

大便秘

去芒硝主之手足厥逆

者此陽氣欲脫必自利不止或吐脉沉細微弱或浮大

而虛宜急溫之理中湯

瀉

加熟附子或陳氏異攻散

出不

快

服藥後手足和煖者生厥者死若大便秘小便不通

煩躁狂妄腹脹喘而渴脉沉滑數瘡不起者此陷伏之

證為陽厥百祥丸

黑陷

三乙承氣湯主之

煩躁痘瘡始終貴於安靜膿成之時毒已化解臟腑平

和神宇爽快尤宜安靜也若忽加煩躁不得眠者但就

痘子上辨之如膿多清淡尚不滿足此毒猶在裏未得

盡出也龍腦膏主之

黑陷

如膿已成又飽滿因發熱乾

漿而煩者此宜利小便導赤散主之

心

如瘡子太密膿

成之後心血虧虛煩不得眠者四物湯

失血

去川芎

加入參麥門冬梔子仁又酸棗仁湯

煩躁

主之

錯喉嘔噦凡痘瘡密咽中亦有之成漿之時咽瘡早熟

肉虛皮薄易致破損瘡癰新嫩觸之即痛痂皮沾滯痰

涎纏裹所以堵塞飲食難入勉強吞嚥則為疼痛所苦

痰涎所隔是以水入則噎穀入則嘔也如語言清亮者可治甘桔湯咽喉加牛蒡子天花粉利咽喉化痰涎惟多飲之自然平愈若聲啞喑語言不出者咽喉潰爛不可治矣

癰凡痘瘡皮嫩色嬌者到成膿時多生瘙癢先當調理

勿令有此可也若失於早治而發癢者內服消風化毒

湯

瘙癢

外用茵陳熏法

起發

破者以白龍散

瘙癢

傳之大

抵痘瘡作癢乃是惡候吉少凶多如其人能食或大便

堅抓破之處復灌成膿原無痘處續出大小不等雖盡

癢破可治內服十全大補湯

汗

苦參丸

痘癩

問而與之

外以滅癥救苦散

痘癩

合百花膏

收腐

塗之若癢癢之

時其人顛倒悶亂抓破之處不復腫灌或成坑窟或即乾黑或皮自脫又加以嗆水嘔食水漿不入或泄瀉或寒戰咬牙或失聲或手足厥逆或狂叫皆死證也

頭面凡視痘瘡以正面為主五藏精華皆萃於面故也身上瘡有癢者或至抓破不能為害惟正面瘡不可犯

動一處苟於眉目鼻面之間抓破一處此肺有熱也急

用甘桔湯

咽喉

加牛蒡子以解之其癢即止乃佳兆也

若癢不止浸淫漸開氣愈泄而癢愈急必至滿面抓破而死 凡痘瘡起發養漿之時額上瘡如火燒湯澆之狀潰爛破壞無復完膚或兩頰之傍亦如是樣不待爬搔而自破爛者以漸而開沙崩之勢莫之能禦穀焦水去似靨非靨陽氣脫而死 痘瘡作漿之初面上諸瘡未盡成膿或鼻準頭瘡先乾如橘子色者或眉心瘡自

乾黑者或唇上瘡焦黑者或兩耳上瘡自收者或兩頰瘡如餅中間乾陷者此名倒陷乃死之候不可認作正收對人妄言

手足手足痘瘡最要膿漿飽滿乃脾胃強氣血足也若灰白色或清淡水或虛餒壘塌此脾胃弱快癍越婢湯主之如此者縱得收靨之後必手足腕膝及關節之處發癰毒也

快癍越婢湯

起發

眉背臂痘瘡初出起發邪氣雖旺正氣亦強足以任之
至於成漿則氣血漸耗精神漸弱有不勝之狀起止艱
難多喜仰卧惟眉膊背臂之瘡展轉摩擦最受虧苦若
痘子好者自然堅厚耐久不破其次則收靨稍遲膿熟
自潰最可惡者如湯火之疤水去皮脫又瘡自破清水
非膿黑點乾焦是皆不治之證

漏漿歌曰纔試漿時未飽囊瘡頭有孔漏膿漿依然團
聚封瘡孔洩去真津毒氣藏蓋痘瘡作膿窠之時最要

皮厚包裹完固若膿未成忽然瘡頭有孔其水漏出或結聚成團堆於孔外者或水去窠空自乾黑者俗名漏瘡必死若膿熟之後窠皮亦熟漿水沸出因而結靨此頭額正面之間多有之俗謂之堆屎收不可以漏瘡例論蓋漏瘡膿未成堆屎收膿過熟也

咽喉不利涕唾稠粘瘡痘者每至作膿窠之時咯唾痰涎稠粘膿結或有膿血夾雜者咽喉不利飲食亦少此肺受火邪津液不足故多粘痰喉舌牙齒之間瘡潰血

出惟用甘桔湯

咽喉

加牛蒡子天花粉清肺化痰利咽

膈直待收靨之後自然平和不可妄用大涼之劑

睡夢呢喃痘內之膿皆身中之血薰蒸而成瘡痘稠密

膿血周遍津液消耗心主血血虛則舍空故心熱者虛

煩不得眠酸棗仁湯

煩躁

主之心虛者喜睡夢中呢喃如

與人言者多怪誕之事喚之不醒安神丸主之

謔妄

若昏

悶甚者先以龍腦膏

黑陷

開其心竅後以

安神丸人參麥門冬湯下

腹痛痘瘡初出腹痛者毒在裏也起發不透腹痛者陷

伏也若作膿則毒已出又無陷伏忽然腹痛其不大

便者必然燥屎也當歸九膽導法

俱大便祕

以通之便清者

必受冷也急與理中湯加桂

腹痛

或黃耆建中湯

腹痛

加木香主之

痘瘡其出已盡其發已透其膿已成表

無邪也能食小便清大便潤裏無邪也晝間平安忽然

腹脹作痛煩躁喘促痘瘡色變如灰木之狀此必傷食

得之先以丁香脾積丸

宿食

原物湯下去其宿食後以

人參白朮散

湯

去葛根加青陳橘皮與養脾丸

宿食

相

間調之

癰爛夫痘瘡膿熟潰爛者常候也若未成膿先即潰者此名癰爛癰爛之由病當發散而不發散則毒氣閉塞喘促悶亂不當發散而悞發散則熱毒隨陽氣暴出遍身皮肉潰爛此不善表之過治之宜調脾進食令大便秘得所安養榮衛生肌解毒解之不至於冷調養不至於熱方為良法宜十全大補湯汗去桂枝加防風荊芥穗多服佳大便秘以膽導法便秘潤之膿水不乾以敗草

散

潰爛

襯之疵爛作膿痛甚者以天水散

即六一散見初熱

和

百花膏

收靨

塗之又有發表過甚外為斑爛而內虛陽

氣不守臟腑自利此又急當救裏解表陳氏木香散

瀉

利

主之厥逆者異攻散

出不快

板黃袁痘澄膿則毒盡全美矣何有乎板黃豈知王不
在乎厚薄而在乎體之純珠不在乎大小而在乎體之
明痘漿不在乎飽滿而在乎黃活夫黃者中央土之正
色漿汲乎脾其黃自潤正者也彼痘氣得其衛而不逆

血養其榮而不傷囊窠以疎膿漿澄注於中者活動而不膩塞明潤而不死色烏有所謂板黃者哉若陰陽離其正氣梟毒肆其殘虐根窠薄劣囊房夷委膿漿之澄注於中者板膩牢則死塞而不活動乾蠟而不明黃以手指抵之凝結板定五經痺而二氣截矣此謂之板黃若方廣天庭板黃而餘者潤活癰毒必結於腦項腮臉板黃而四體潤美痘癰必發於肩臍肚腹板黃者癰起於曲池三里背脊板黃者癰結於兩軸尻骨遍身板黃

者死項頸前後板黃者死頭面板黃者死眼眶唇上板黃者死兩脇陽球板黃者死觀此而痘囊之膿固欲其充黃尤宜潤活也

澄泉散

治痘中板黃

黃耆

上

當歸

中

紅花

下

右和酒入罈固密煮之另用

蟬蛻

金丸

即雄雞尾後硬

石子二味細研以藥酒調服

轉環丸 雞一隻以參耆當歸紅花桂和蜜酒煮熟食之

灌膿吉凶

灌膿時根窠紅潤膿漿滿足如黃蠟色二便如常飲食
不減此為吉證不須服藥 灌膿時純是清水皮白而
薄與水泡相似三四日後抓破而死 灌膿之時痘中
乾枯全無活血此名空倉不治

灌膿時吐利不止或二便下血乳食不化痘爛無膿者
死 若二便不下血猶可用止瀉健皮之藥 灌膿時二便閉目閉聲啞腹

中脹滿肌肉變黑者死

收靨證治

痘瘡成膿之後鮮明肥澤飽滿堅實以手拭之瘡頭微焦硬者此欲靨也大小先後以漸收靨不失太急不失太緩已靨者痂殼周圍無有突凸陷凹者乾淨無淫濕破濺者此為正靨否極泰來之象也

凡痘瘡收靨不可以日數拘也大抵痘本稀元氣實者自然易出易靨若瘡本稠密元氣虛者難出難靨也只要先後有次疾徐得中飲食如常便無他證如收太急

者毒邪未盡煎熬津液以致速枯非正收也必為目病
為癰毒為諸怪疾甚則夭亡微則殘廢宜微利之以微
其毒當歸丸主之

大便秘

如收太遲者中氣已虛脾胃

太弱不能榮養肌肉使之完就以致潰爛內服十全大

補湯

汗

外用敗草散

潰爛

觀之海藏云癰疹膿而不焦

此本治失清涼之氣有如五穀得陽氣而成熟非涼風
至不能實也天地嚴肅之氣一加則萬物秀而實矣與
癰疹何異須察何經而清涼之或下而成嚴肅之氣則

瘡氣必不至於膿而不痂矣要當知之餘毒不盡而疾

作蓋出於此

當是清涼飲子下之是也

非陽和則苗不秀非嚴肅

則秀不實

錢氏云五七日痂不焦是內發熱蒸於外

故不得焦痂也宜宣風散

痘發熱

導之用生犀磨汁解之

必著痂矣

劉涓子訣云痘發如膿窠不肯靨者但

調沙糖水與喫劉提點云亦曾試用但後來結癥痕白

薛陳文宿先生云痘欲靨不靨其痂欲落不落若腹脹

煩渴忌食水蜜生冷之物若食之轉渴而死急與木香

散救之如身熱煩渴者宜服人參麥門冬散身熱大渴
人參白朮散如不愈仍服木香散竊謂前證乃脾胃氣
虛津液不足所致非實熱為患也如身熱煩躁手足發
熱脾胃有熱也用人參麥門冬散身熱作渴手足微冷
者脾胃氣虛也用人參白朮散腹脹泄瀉或寒戰咬牙
脾胃虛寒也用十一味木香散泄瀉氣促手足並冷脾
氣脫陷也用十二味異攻散凡瘡結痂作靨皆由元氣
充實而內融也若審見虛弱便與滋補血氣無虧可保

終吉若見不靨而投補劑恐無及矣 一小兒出痘貫
膿不靨證如實熱余謂血氣虛甚之假熱也用十全大
補湯數劑漸愈忽又惡寒余又曰此邪氣退而真氣遂
見虛象也仍用前藥內參耆各五錢數劑而愈 一小
兒痘不結痂用補中益氣湯地黃丸料煎服而愈次年
畢姻後寒熱作渴頭運脉洪數按之微細此脾腎虛火
上炎也以前藥各加肉桂五分引火歸經而愈 治痘
日久不靨歌曰防風剉五錢炒朮與茯苓當歸大腹皮

煎服得安寧 昔古抗俞氏專以四製白朮散治痘瘡

日久不肯結痂收膿者亦此方之遺意也但迴蚤之痘元氣充托者則可若元氣不足而迴速必宜保護不如痘之隨期而遲迴何必勉強用藥以速其收功也

回漿散 治痘不收漿結痂 何首烏 白芍藥 黃

耆 人參 甘草 白朮 白茯苓

右薑水煎服

象牙散 治同上 人參 黃耆 白朮

各壹錢

甘草

柒分

茯苓

壹兩半

何首烏

貳錢

右加糯米二錢棗二枚水煎調下象牙末一錢

潰爛痘瘡過期不收遍身潰爛者此與癰爛不同乃熱太過也其候不同或因天寒失於蓋覆使瘡受凍而不收者宜內服五積散

初熱

外用乳香燒煙於被內熏之

或因天熱過求溫暖使瘡被蒸而不收者宜內服人參

白虎湯

見形

或五苓散

驚

外減去衣被令少清涼以天

水散

即六散

撲之或大便秘結內外極熱毒氣散漫無陰

氣以斂之而不收者宜內服宣風散

症發熱

或三黃丸

熱

四順清涼飲

熱

外用膽導法

大便秘

以敗草散觀之或泄

瀉氣虛脾胃弱津液少肌肉虛而不收者宜內服陳氏

木香散

瀉

外用敗草散或因渴飲冷水過多以致水漬

脾胃濕淫肌肉而不收者內服五苓散如因食少氣虛

而不收者人參白朮散

渴

去葛根加桂主之已上諸證

以法治之已潰者結薄痂未潰者結痂方為佳兆若痂

皮俱不結者成倒靨矣

痘已成膿之後過期不靨以

致潰爛膿汁淋漓不可著席粘惹痛疼者用敗草散或
蕎麥粉以絹袋盛於身體上撲之更多佈席上襯卧尤
佳面上欲不成癰點者用滅癰散和百花膏敷之

敗草散 多年屋上爛茅草擇淨者為末摻之牆上爛
草亦佳以多受風露之氣故能解痘瘡毒

蕎麥粉 蕎麥一味磨取細麩痘瘡破者以此敷之潰
爛者以此遍撲之絹袋盛撲以此襯卧尤佳

滅癰救苦散

蜜陀僧

滑石

各貳兩

白芷

半兩

右為細末濕則乾摻之乾則好白蜜調傳

百花膏 石蜜不拘多少略用湯和時時以鵝翎刷之
瘡痂亦易落無痕

倒靨痘子初出磊落成箇後來長大作膿始相連串外
雖相串皮下猶一箇是一箇至於結痂腫消膿乾現出
初來本形所以收藏斂束要完全堅厚復成箇數為貴
或根脚相通皮肉盡串者結痂之時亦要乾淨無有淫
濕及濺破者次也若未成痂者潰爛已成痂者只是嫩

皮此倒靨也 痘毒當靨不靨復入於裏者謂之倒靨

此死證也元氣素怯又不食常自利者陳氏木香散

瀉

異攻散

出不快

死中求活聖藥也如原無泄瀉大便久秘

今添腹脹喘呼此毒盛薄蝕元氣復入於裏宜急下之
排毒散若不急下則腸胃不通榮衛不行益加喘滿躁
悶而死矣若毒入裏忽然自利者此人脾胃素強毒氣
難留故自利須看利下之物如利痂皮膿血者毒氣得
出為順不可止之待利盡膿血自愈如利水穀者此毒

氣反驅水穀脾虛不能制之其證為逆不可治也

排毒散

大黃

壹兩

白芷

木香

各半兩

穿山甲

七片土炒焦卷

共為細末看虛實大小加減長流水煎沸調服

如痘瘡破損潰爛者復腫灌作瘡不致乾枯原無痘瘡處復出一層如初出之狀亦以漸起發作膿者此裏氣充實毒不得入猶在於表未成倒靨逆中之順證也但瘡子重出一番必其人能食大便堅足以勝其再作之毒如食少大便潤者用十全大補湯人參白朮散肉豆

救丸主之蓋病久氣虛惟利溫補不可再解毒也

不屬悶亂噤氣腹脹薛陳文宿先生云痘瘡十一日至
十二日當屬不屬身熱悶亂不寧卧則噤氣腹脹泄瀉
寒戰咬牙急用異功散加木香當歸以救陰陽表裏助
其收靨竊謂前證若手足並冷屬脾胃虛寒宜用十二
味異功散手足微冷屬脾胃虛弱宜用五味異功散加
木香若手足熱大便秘屬脾胃實熱宜用清冷飲救其
陰以抑其陽 一小兒痘不結痂發熱飲湯噤氣腹脹

此脾氣虛弱用五味異功散參耆四聖散而愈後噫氣
下氣欲服枳殼之類余謂噫氣屬心火虛下氣屬脾氣
虛朝用六君子湯加薑桂夕用補中益氣湯而愈 一
小兒哽氣喘咳腹脹下氣手足不冷不熱此脾虛不能
攝氣而腹脹下氣肺虛不能攝氣而哽氣喘咳用五味
異功散加升麻而愈

泄瀉痘子初出以來表裏俱病收靨之時表邪已解裏
氣當和大便宜潤小便宜清忽爾洞泄水穀者此中氣

暴虛不能禁固水穀或毒氣乘虛入裏欲作倒靨並宜

陳氏木香散

瀉

異攻散

出不快

肉豆蔻丸

瀉

主之利止者

佳利不止者陽脫而死

面痘瘡潰爛先傷於面者面乃諸陽之會痘乃純陽之毒以類相從如水就濕火就燥也又心之華在面諸瘡皆屬於心心火上炎之象如面瘡已破腫消目開者此不著痂先已乾燥病為倒靨死在旦夕如已破復灌滿面成餅焦裂濺起膿血淋漓食穀則嘔飲水則噎咯唾

粘涎語音啞喎口中氣臭者此臟腑敗壞故諸證盡見也淹延悶絕而死如瘡灌腫飲食無阻大小便調更無他苦如上證者此則可治內用十全大補湯升陽解毒湯相間服之外用減癥救苦散百花膏合而敷之

升陽解毒湯 當歸 升麻 柴胡 桔梗 甘草

牛蒡子 密蒙花 蟬蛻 連翹 防風 荊芥

穗 各等分

右剉細水一盞煎七分去渣食後溫服

人中人中為任督交會之衢督乃陽脉自人中而上任
乃陰脉自人中而下故自準頭至印堂與額至顴尾相
應印堂至髮際與顴尾至膝相應髮際以上與膝以下
相應痘瘡收靨但觀面上收到之處則知身上收到之
處矣凡痘子自人中上下左右先出先靨者吉陰陽變
合相濟之理也若自額角先靨者孤陽不生足下先靨
者孤陰不長皆凶兆也

頭足造化之理生於陽者陰成之生於陰者陽成之故

瘡瘡收靨頭自髮際以上陽氣獨盛謂之孤陽足自膝以下陰氣所聚謂之寡陰所以諸瘡皆靨之後此二處難靨乃造化自然之理不可作倒靨論

疳蝕陳瘡已靨未愈之間忽被風邪搏之成疳蝕瘡宜雄黃散綿團散治之久不愈多漬骨傷筋殺人 薛前

證屬足陽明胃經其方解毒殺蟲之劑若毒發於外元氣未傷者用之多効若胃氣傷損邪火上炎者用蕪荑湯六味凡若赤痛者用小柴胡湯加生地黃肝脾疳證

必用四味肥兒丸及人參白朮散更佐以九味蘆薈丸
萬痘瘡結膿窠之先或曾傷犯破損者灌爛成瘡至於
收靨此獨不靨膿汁不乾更多痛楚若不急治漸成疔
蝕瘡損骨傷筋以致橫天宜內服十全大補湯外用滅
瘢散和百花膏傳之 痘子已成疔蝕瘡者若在肢節
及諸虛怯軟弱血氣俱少之處色青紫黑腫痛潰爛以
漸延開血自出者難治若所生之處在於陽分不痛不
爛色不變血不出者以綿壘散主之

雄黃散

治小兒牙齦生疳蝕瘡

雄黃

壹錢

銅綠

貳錢

右二味同研極細每用量瘡大小乾貼

綿璽散

治小兒因痘瘡身體及肢節上生疳蝕瘡膿

水不絕用出蛾綿璽以生白礬搥碎入璽內令滿炭火燒令白礬汁盡取出研極細每用乾貼瘡口上

口疳袁痘八九朝之期雖澄黃結蠟而口中惡臭噴外上下牙床潰爛舌板堆裏黃垢名曰口疳若不早治則床脫牙落而成漏矣速將出白散吹之 歌曰痘中疳

臭世休輕脫床落齒漏淹成出白散方多不識細茶薄
荷共煎濃亂髮滾湯摩洗淨指纏拭口去膜腥纔將青
黛礪砂片薄荷殭蠶些銅青按製研為極細末吹來頃
刻痘疔平 余治痘疔單用人中白煨過和片腦薄荷
吹之朝夕用細茶黃連薄荷煎湯頻頻漱口後吹之極
効

喉痺袁痘至七八朝之際而喉內鎖緊腫痛難咽毒峻
於陽明而然也金虛則鳴當以稀涎散吹之 歌曰喉

中鎖痛覓稀涎山荳根真効可言薄荷熊膽相圭合再
把茶芽總共研隨時吹入喉門裏頃刻之間痛遂痊
此方甚妙熊膽山荳根須要識得真正者方可用此獲
効否則以為無用之方矣

發熱痘瘡常宜溫煖有熱不可盡去如一向身溫今反
發熱者俗名乾漿此亦常候只怕內傷飲食外感風寒
以致發熱又當別論然病久氣虛不可輕用汗下因外
傷者桂枝葛根湯初熱加人參因內傷者木香大安丸傷食

主之 歌曰待到渾身膿水乾人情倦怠盡偷安不知
禁忌多翻變一簣終虧九仞山蓋收靨之時人心急忽
居處飲食不知禁忌以致變生異證者紛紛皆是也行
百里者半於九十可不慎哉

收靨吉凶

痘瘡收靨圓淨堅厚如螺靨者上也頭穿膿出堆聚成
痂如雞矢者次也皮破膿出痂薄如紙者又其次也皮
爛膿潰不成痂皮膿汁腥臭者斯為下矣如已過期靨

如瓜果熟久則爛此造化之常還作順看若未及期則
為癰爛乃逆候也變倒靨而死 結靨時色轉蒼蠟一
二日從口唇四邊結靨由胸腹收至兩腿然後脚背和
額上一齊結靨落而愈者吉 結靨時徧身臭爛如搭
餅臭不可近目中無神者死 結靨時徧身發癢抓破
無膿皮卷如豆殼乾者死 結靨時寒戰手足顫掉咬
牙噤口者死 落痂後癰痕雪白全無血色者死急宜
補氣血養脾胃庶幾可活 袁患痘八九日充灌回謝

宜保全矣然有回至項頸而死者有回至胸前而死者有回至臍上而死者有回至陽物而死者其故何歟曰消息盈虛自有定數若痘證僅取其漿灌則可也倘元氣所稟者本是薄劣痘兼多蔓遂用毒物儘以發之再投升劫之劑盡把元氣趕上痘雖充灌然外囊實而內體耗蠹矣五經傷而不能幹補矣頸上喉突氣寓肺之關轄也肺氣先絕回至此則魃絆而死胸臍心之關轄也心脉先絕回至此則死臍乃脾之關轄也脾脉先絕

回至此則死眼眶乃肝之關轄也肝脉先絕回至此則死陽物乃腎之關轄腎脉先絕回至此則死本拔則枝枯源塞則流涸自然之道也若語其變風邪不知慎護而致梟邪逼於中飲食不知樽節而致脾胃傷於內肚腹腫脹痰喘不息於是回至各關轄而死者亦有之也又有一樣羆痘視之者似黃膿灌滿回至胸前則死此真羆痘也

落痂證治

癰赤黑萬瘡痂落後其面癰或赤或黑者用四白滅癰散臨睡以清蜜水調搽面上至曉以水滌去之自然白瑩脫去更宜愛護不得早見風日經年不滅如瘡癰突起成凸者此熱毒未盡解毒防風湯主之見形發熱外用蜚子內水摩之如陷下成凹者此脾胃虛不能長肌肉也人參白朮散痘渴加黃耆主之

四白滅癰散 白芷 白附子 白殭蠶 鷹矢白

蜜陀僧

各等分

共研極細末以水調搽面點神効

韶粉散

治痘瘡纔愈毒氣未盡瘡痂雖落其瘢猶點

或凸凹肉起當用此藥塗

韶粉

壹兩

輕粉

壹錢

右研細末豬骨髓熬熟調成膏薄塗瘡瘢上如痘疹
欲落當滅瘢痕一名滅瘢散

癍黑暗凡瘡瘢頭面渾身並黑暗者未可便說無事猶
恐日前未甚作膿收靨太急此倒靨歸腎也但察其表
裏如壯熱大渴未除煩悶昏睡少食或大便不通或自

利此真倒靨歸腎也若身溫暖爽快食漸加大小便調者此瘡癰本色無慮也

痂不脫萬痘瘡收後其痂自脫者佳不脫以百花膏潤之令其速脫稍遲則乾硬深入肌肉經久方脫遂成癰痕然久而不脫者脾胃虛也人參白朮散加黃耆官桂主之不可搗搗剥去若不禁手反傷皮膚復灌作瘡者覆潰爛一時難愈其後多成疥癩也黃痘瘡黏著皮肉不肯脫落此表虛也尤當禁忌以防異變用調元固

表湯主之

調元固表湯 黃耆 人參 當歸 甘草 蟬退

人參固肌湯 治痘表發太過致肌肉不密痘痂粘肉

久不落者 人參 黃耆 甘草 當歸 蟬蛻

各等

分
糯米一撮

右用水煎服

人參清神湯 治痘痂不落昏迷沉睡者 人參 黃

耆 甘草 當歸 白朮

土炒

麥門冬

陳皮

酸

棗仁 黃連

酒炒

茯苓

右各等分加棗子糯米水煎服

馬齒莧散

治痘痂不落成癰痕者

馬齒莧

搗汁

豬脂

膏 石蜜

三味共熬成膏塗腫處

凡瘡痂日久當脫不脫者胸背手足無妨惟面上不脫

必成癰陷未脫者以百花膏潤之

收靨

令其易脫脫盡

之後癰痕黑黯者以四白減癰散塗之

羊髓骨髓 治痘痂欲落不落癰痕

羊髓骨髓壹兩煉入輕粉壹錢研成膏塗之

如收靨既遲瘡痂不落昏昏喜睡者此邪氣已退正氣

未復脾胃虛弱宜調元湯

即參耆飲
見大法

加麥門冬合安神

九

痘煩
躁

或只用酸棗仁湯

煩躁

緩緩調理待氣血平復

榮衛和暢而安矣

癰腫成膿痘瘡收靨之後痂皮盡脫曾見癰痕凸起復
作膿窠依舊結一層疖子者或因收靨太驟毒氣未盡

或因誤服溫補之藥多啖肥甘之物飲酒喜食煎炒辛熱或因出風太早榮衛鬱而不通皆能復成此證亦與前日一般但無苦耳若此者毒邪外散決無留毒之患痘瘡遍身潰爛不結痂者倒靨也或三五處腫灌潰爛不結痂者疳蝕瘡也若已正靨痂起自脫或面上或手足或片結硬瘡頭雖焦中畜膿漿者此是原出瘡子之初其處太密糊塗成片無復顆粒所以毒壅於裏不能起發作膿結痂也但用減癥救苦散

收靨

和百花膏

收靨

塗之待膿盡痂起自愈或手足腕膝之間瘡窠連串作大一塊膿化作水停蓄於中恰如囊袋皮不破水不去日久只如是者此裏面肌肉已好原日瘡皮剩於外也宜用鍼決去其水自乾脫矣能食不能食瘡痂既落中氣暴虛多不能食必藉人參白朮散去葛根加陳皮木香以調養之其間或有瘡痂起而能食者是胃中宿有蘊熱故也蓋胃熱則消穀所以能食其人必大便稍秘或大便難當用三黃九利之否則恐胃熱不去鬱

為口臭齒腐生風之證流散四肢則發為癰疽腫毒然有一等脾胃素壯實者平素能食大便亦不至有秘結之患此又不可一槩論也

癰痕赤白痘痕赤白各有所因治法亦異凡痕赤而作癢血虛而有熱也用四味牡丹皮赤而作痛餘熱也用四君連翹金銀花若發熱而大便調和者脾胃虛熱也用五味異功散若發熱而大便秘結者腸胃內熱也用聖濟犀角地黃湯若母有肝火用加味逍遙散若母有

鬱怒用加味歸脾湯佐以加味逍遙散治之 白者

屬氣虛而血衰也宜固元氣為本療而作渴者氣血俱
虛也十全大補湯之類乳食減少四肢倦怠者中氣虛
也五味異攻散之類氣虛發熱者補中益氣湯之類血
虛發熱者當歸補血湯之類須參黃變之證治之此證
若服藥而漸紅活者可治色不轉者不治雖經年後多
患瀉利而死若妄投攻伐禍在反掌 一小兒痘瘡如
期而愈痕赤而赭余謂此乳母有熱也診之果有肝脾

鬱火先用加味逍遙散四劑與母服之子各飲少許而
並愈 一小兒痘痕色赤作痛熱渴喜冷大便不利先
用前胡枳殼散便利渴止再用聖濟犀角地黄湯而安
又用芹菜汁而靨 一小兒十六歲痘痕白用獨參湯
數劑色漸如舊又用地黃丸大補湯而安

痘瘡新差之後氣血未復視之未靨尤加調護可
也蓋痂皮起落肌肉新嫩不宜澡洗增減衣服則表已
虛寒暑之氣易襲也瘡毒內作臟腑俱傷毒雖外散腸

胃已弱不宜飲冷傷饑過飽則裏氣虛飲食之物易傷也時俗不知此理謂之已痊再無他變怠玩縱弛致生後災一旦病生悔之晚矣

檮杌痘袁按孫氏揭檮杌痘以垂世而不註解其詳迨黃石峯盡註明白且痘澄膿結痂自頭抵足靨已脫矣又身發火熱舊靨盆處重出一番痘竦囊聚膿痛愈加甚服藥調護庶免夭亡倘飲食不節風寒不避邪氣感迫囊破潰爛肚腹漸脹陰陽不分死在旦夕矣若起於

頭面者須防陋井湧泉

陋井腮頰穿陋湧泉眼沿陋

之患起於背腹

者應慮蜂螫沉石之慮

蜂螫遍身刺痛也沉石皮肉四爛也

起於手足者

不免有聲筆之懼起於陽球者預宜防脫囊之害玉函

云天花結果慶奇全禱机歸門痘倒顛不是渠塘番洵

浪便教關節結癰纏為父母者庶幾慎之

發熱

瘡疹發熱與傷寒相似但傷寒只見一經形證若瘡疹則面燥腮赤呵欠頓悶乍涼乍熱多睡咳嗽噴嚏驚悸

吐利手足稍冷，飢涼耳涼也。然發熱者，瘡疹常候也，不可盡除之。但熱微毒亦微熱，甚毒亦甚。

初發熱時精

神清爽，唇鼻滋潤，更無他證者，此熱在表。其瘡必疎，不

須施治。

初發熱時，渾身壯熱，熛熛然不渴，清便自調。

此邪在表，佛鬱於皮膚之間，宜以輕揚之劑發之。升麻

葛根湯主之。

初熱

甚則羌活湯主之。

本條

初發熱時其

熱，烙手目赤，鼻乾，唇燥，小便赤，大便秘，煩悶不安，此表

裏俱熱，毒氣壅遏，宜發表攻裏，雙解散主之。

初熱

初發

熱時表不大熱其人煩躁不安此熱在裏也以三黃丸

微利之

本條

初發熱時或乘疫癘之氣人參敗毒散主

之

初熱

初發熱時或為風寒所襲出不快者桂枝葛根

湯羌活湯雙解散去大黃主之

三方俱見初熱

痘瘡之證其

初不免於發熱者未出毒邪在裏煎熱氣血薰蒸臟腑

而然瘡既現形則毒洩而熱解所以瘡出熱退者瘡本

必疎若瘡已出熱不少減此毒蘊於中其勢方張其瘡

必密宜急解其毒連翹升麻湯

見形

加防風荆芥穗地骨

皮或解毒防風湯法大加升麻或東垣鼠粘子湯見形兼服代

天宣化丸防預服藥之後瘡或不出或再出其熱頓減者為

氣和也熱若不減瘡漸加多再消詳大小便何如大便不

通七物升麻丸初熱小便不利連翹湯小便不利大小便俱不通

八正散小便不利自利者黃芩湯自利加白頭翁酒黃連調赤石

脂末裏氣和毒解矣如更加渴燥躁不已或譫妄或腹脹

滿氣促或自利不止手足厥冷此逆證勿治如瘡已出

但微發熱不須治之蓋瘡疹屬火非熱不能成就也以上見形

而熱

錢氏云有大熱則當利小便小熱當解毒大熱謂身

熱脈實大小便秘津液燥而渴懼其變生他疾故利小便

八正散通關散大便潤者連翹湯

三方俱見
小便不利

導赤散

人參麥門冬使心火有所導引則雖不用冷藥熱亦自減

去矣痘瘡不至熱過不為冷誤甚為良法小熱解毒之說

謂小熱不解大熱必生利其小便則慮損氣故但可解毒

而已甘桔湯

咽喉

加牛蒡子荊芥穗

以上起
發而熱

如瘡漿膿

已成毒氣已盡又復發熱者俗呼為乾漿不須施治如

結痂之後其熱不退者此邪氣未盡正氣未復熱微者
不須治之熱甚者當視其虛實

羌活湯

羌活

川芎

防風

山梔子

龍膽草

當歸

各等分

甘草

減半

右剉細加薄荷葉少許淡竹葉水一盞煎七分去渣
溫服無時

加味葛根湯

治痘失表發熱譫語

升麻

葛根

赤芍

甘草

桔梗

柴胡

荆芥

防風

連

翹 牛蒡子 木通

右水煎服

如聖湯 治痘已出身熱如火

紫草 升麻 葛根 白芍 甘草 木通 猴
梨

各等分加薑一片葱白三莖水煎熱服 心煩加麥
門冬赤茯苓煩渴加生脉散 七八九日身如火
者加酒炒黃芩地骨皮

柴胡麥門冬湯 治痘壯熱經日不退 柴胡 麥門

冬 甘草 人參 玄參 龍膽草

右水煎服熱退即止 一方無人參

丹胡宅痘瘡發熱此血少有餘毒也 陳皮 白朮

當歸身 白芍藥

各參錢

牛蒡子

研破炒貳錢

木通 犀

角 生甘草 川芎

各壹錢半

右分六貼水盞半煎食前稍熱服

活連翹散 治一切熱兼治瘡疹如神 連翹 防風

梔子 甘草

各等分

右為末水煎服

海藏云治熱在外而不厥此少陽藥也

易老云涼膈去大黃芒硝者能解六經中熱此不惟解熱治小兒癰疹熱候亦使發之則本藥與防風荆芥二物各半白水煎服

河梔子金花丸

黃芩

黃連

黃檗

山梔

炒各等分

右為末滴水丸如豆子大每服五丸白湯下

錢三黃丸

治諸熱

黃芩

半兩

大黃

煨

黃連

各貳錢半

右為細末糊丸萊豆大每服五七丸至十五二十九
食後米飲送下 右錢氏云有小熱者解毒海藏謂
解毒者三黃丸金花丸之類是也

四聖散

海藏紫草木通湯

二方俱見形

導赤散

心

八

正散

小便不利

丹有初起煩躁譫語狂渴引飲若飲水則後來膈不齊
急以涼藥解其標如益元散之類可用 右五方利小
便退熱之劑錢氏云有大熱者利小便又云身熱煩

渴腹滿而喘大小便澀面赤悶亂大吐此當利小便
蓋用導赤散之類是也

錢宣風散

檳榔

兩箇

陳皮

甘草

各半兩

牽牛

肆兩半生半熟

右為細末三二歲蜜湯調下五分已上壹錢食前易
老加防風

通膈九利上下氣血藥也


大黃 牽牛

木通

各等分

右為細末滴水丸如粟粒大每服三五十九量兒大
小虛實加減

右錢氏云有大熱利小便不瘥者宜宣風下之



證治準繩卷八十四